

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>





## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

B. N. C.  
FIRENZE  
1268  
10





1268.10











AL

1268.10





XXVI

1845

1845

LE  
BLASON DES  
COULEURS EN ARMES,  
LIVRES ET DEVICES.


*Liure tres-utile & subtil pour sçavoir & congnoître,  
d'une & chacune couleur la vertu & propriété. Et la  
maniere de blasonner, & faire liures, devises, & leur  
blason.*



A PARIS,

Pour Anthoine Hoüic, demeurant rue saint  
Jacques, à l'enseigne de l'Elephant.

1582.



## PROLOGVE DE L'ACTEUR.



E Sicile Heraut, à trespuissant Roy  
Alphonse d'Arragon, de Sicile de  
Vallence, de Maillorque, de Corsei-  
gue & Sardine, Comte de Barselon-  
ne, &c. Au present & de long temps  
ayant domicile & ma residence en  
Maboirie, ville de Mons en Henaut, ay par plu-  
sieurs fois pretendu de tant enquerir, apprendre &  
sçauoir à l'aide de Dieu, de tous messeigneurs Prin-  
ces Cheualiers & Escuyers, & de tous mes freres,  
compagnôs, Roys d'armes & Heraux que ie peus-  
se tant faire aucunement par vray & raisonnable  
entendement, que si on me demandoit ou parloit  
de mon office, par quelque estat que ce fust à moy  
appartenant, du sçauoir, ou du respondre, que i'y  
peusse respondre, par si bonne forme & maniere  
qu'on fust de moy content. Si ay-je à l'aide de Dieu  
& de tous mes seigneurs & amis, fait & ordonné  
entre autres choses touchant ledit office, cestuy pe-  
tit traitté, pour apprédre a blasonner toutes armes  
selon les couleurs & leurs proprietéz : & aussi la  
nouuelle maniere de blasonner quant aux noms  
des couleurs & des metaux, & celle de maintenant.

1268. 10



2

CY COMMENCE LE BLA-  
SON DES COULEURS,  
& leurs proprietéz.

De la premiere inuention des armes  
quant aux couleurs.



**L**E tresnoble & trespuissant Roy Ale-  
xandre de Macedoine Roy des Roys  
& seigneur des seigneurs, fils du dieu  
Hamon, & de la Royne Olympias,  
selon les anciennes histoires Payen-  
nes, pour exaucer le nom & vaillance de ses chefs

A ij

& gouuerneurs des guerres, & pour auoir vaillans hommes & victorieux combatans, afin qu'ils eussent plus grād & noble vouloir, hardiment & courage sus ses ennemis, ordonna par la meure delibération de soy & de son Conseil: & en especial du trefnoble docteur & Philosophe nommé Aristote de donner aux chefs seigneurs & autres de sa noble compagnie, enseignes, banieres, pennons, & tuniques, qui de present s'appellent cottes d'armes, selō le hardiement prouesse & vaillance d'un chacun, & sont de present icelles enseignes & deuises, nommees armes que portent de present es batailles & faicts d'armes les Empereurs, Roys, Princes, Cheualiers, Escuyers, & tous nobles, & gētils hommes combatans, yssus de noble consanguinité, lesquelles sont de plusieurs couleurs & metaux, comme cy apres plus a plain sera dit & declare.

Si doiuent les Princes entretenir les anciens estats & coustumes, & pour l'honneur de Noblesse obseruer & garder, doiuent faire & aduiser ieunes gens de l'aage de vingt ans ou au dessouz, bien endoctrinez & cōditionnez, pour faire d'iceux leurs poursuuās, & les enuoyer par le monde, pour voir apprendre & congnoistre les grans faicts d'armes, batailles, honneurs, estats, Noblesses & Majestez des Roys & grans seigneurs de par le monde, afin que quant les Heraux se meurent, que ceux puissent paruenir à leur office, pour iuger & congnoistre de tous faicts de Noblesse, & des droits d'armes. Et aussi pour exaucer ceux qui seront vaillans,

ne nul ne les peut estre fil n'est clerc. Car il doit faire liures de drois d'armes, des blasons des batailles, & besongnes là ou il aura esté, pour exaucer ceux qui par vaillance mettent leurs vies & leurs corps en aduventure pour leur seigneur, pour acquerir honneur, & en iuste querelle : en maintenant vraye iustice. Car si haute chose ne se doit celer ne mettre en oubly.

### Questions touchant les couleurs.



R pourra demander celuy poursuivant, comme apprendray-je le droit d'armes. Et ie repons en vn liure intitulé l'arbre des batailles: & pource est il expedient que tu soyes clerc, & que tu suiues les guerres : car tu y apprendras des iugemens qui suruiennent de jour en jour : qui tous ne sont pas en l'arbre des batailles.

Or demande le poursuiuant des blasons d'armes, & le bon Heraut luy respõd. Il te faut sçauoir quantes couleurs sont en armes, & quelles manieres elles sont mises. Tout premier y sont deux metaux, & quatre couleurs : ce sont six, & de ses six meslees ensemble on faict vne, qui est la septiesme.

Du premier metal & couleur d'or, &  
& de son blasõ.

**L**E principal metal qui monstre couleur, est or, lequel selon sa nature, comme disent les mai-

A iij

êtres les plus noble: Et la raison est telle, pource que l'or en sa nature, est cler & luisant, vertueux & reconfortât, & tel que les maistres de phisique le donnent pour souuerain reconfort, à homme debilité pres de la mort, & en autre vſage. Avec ce il represente le soleil, qui est tresnoble luminaire & superfluât lumiere. Et dit la ley, que chose n'est plus belle que la clarté. Et pour celle excellence dit l'escriture, que le iuste & la sainte personne ressemble à l'or & au Soleil. Et aussi quât le fils de Dieu se trāsfigura deuant ſes Apostres sur le mont de Thabor, ſ'apparut luisant comme le Soleil en couleur d'or: & pource que l'or en sa proprieté est comparé en plusieurs choses au Soleil, ordōnerent les anciēnes loix, que nul ne portast or ne doreure, ſil n'estoit noble & Cheualier, parquoy l'or est la plus noble couleur qui soit: L'or ressemble à la topaze fine, pierre precieufe & en vertus richesse.

Deuant que finir mon propos de l'excellence & dignité de ce glorieux & precieux metal, ie veux former vne question & demande. Pour quelle cause ſe ſont incēsez & mis en l'escu du tresnoble magnanime & Tres-chrestien Roy de France, le lys d'or pluſtoſt que d'argent ou autre metal ou couleur. Or entendez, ie reſpons après les plus ſçauans que c'est au moyen du vouloir de Dieu, qui ainſi noblement à voulu les nobles Roys de France sublimer & honorer, & ſçachez que plus nobles enseignes n'ont peu eſtre donnees aux Tres-chrestiens Roys, leſquels nous trouuons ſi grand' profondeur de

mysteres, tellement qu'il semble que lesdites enseignes passent & transcendent l'humaine congnoissance. Pour la cause selon la foiblesse de nostre petit entendement, je dy que conuenablement l'escu Royal de France est aorné de trois fleurs de lys dorées, & par neuf raisons. La premiere est pource que l'or est de tresbelle couleur & bonne : & à deuant tous autres metaux aucune purité & resplendeur de grand & souuerain effect selon saint Gregoire: pourtant l'or est dit *ad auro*, qui signifie splendeur, comme dit Ysidore: parquoy il est dit au liure des natures des choses, que l'or est es corps comme le Soleil entre les estoilles : par celà est le Treschrestien prouué à auoir & acquerir sapience, qui est plus pure que l'or & resplendant : mais d'auantage l'or en sa cōparaison est comme la rene de la mer. Salomon estant Roy de Hierusalem, apres toutes les choses du monde, postposees celle sapience, requist à Dieu le createur, & l'obtint par grace infuse sans laquelle il n'eust sceu regir son peuple en paix. Je laisse les autres Roys de Gaule, mesmement qui ont esté embrasés de l'ardeur de science, pour euitter prolixité de sentence. Secondement les lys d'or sont mis en l'escu des Roys de France, à cause du vray or que la propriété de la letifier les courages, ce que n'a pas l'or faict & sophistiqué par alchimie, comme dit saint Thomas par ceste propriété naturelle le Treschrestien seigneur est & doit estre ioyeux & plaisant a son peuple. Tiercement l'escu de France est paré de substance d'or pour sa pesan-

teur & solidité naturelle, car l'or est deux fois plus pesant que l'argent, selon le maistre des proprietéz, a par sa solidité purité & noblesse sur tous autres métaux, qui est enseignement aux Treschrestiens Roys, donne qu'il faut qu'ils soient fermes & solides, meurs & graues en la discution des causes de ses subjets, sans estre precipitez par legereté ou fureur. Quartement les armes de France sont faictes de lys dorees, à cause que l'or, comme disent le Plataire, Constantin, Auicenne, Serapion, & les autres docteurs de medecine, est plus attrapé que les autres métaux, parquoy il a nature merueilleuse de re conforter le cœur, l'estomach, & les autres sens. Par laquelle sentence est donné à congnoistre que toute la cure Royale doit estre paree de toute amour, & non faincte dilection. Quintement des lys d'or est cōposé l'escu des nobles Roys de Gaule, pour tant que le vray or ne resiste point souz le marteau duquel il est forgé, comme fait le fer, n'est rompu comme le vaisseau de terre : & ne resonne comme le cuyure ou metal: ains sans ces choses est sus l'enclume dilitale & amplement eslargy, signifiant aux Roys la vertu de patience, force & constance en toutes aduersitez & tribulations, voila comment les courages Royaux doiuent estre comme l'or ductiles est traittables: combien qu'ils soient comme l'or nobles & plus puissant. Sixtement l'or est en l'escu de France, car le vray or plus longuement demeure en son operation que l'or qui est sophistiqué selon saint Thomas. En outre l'or n'est au feu bruslé:

brulé: Mais purgé & bien approuué: cela doit animer les Roys Chrestiens à la duration & perseuerance de la loy de Dieu eternelle: car celle vertu seulement dessert l'eternelle vie. Septiesme du metal d'or sont les armes de France: pource que l'or est deuant tous autres metaux le plus precieux & durable, sans rouïller & prendre macule: & jamais ne pourrit: & a aussi vertu conseruatiue selon le Philosophe. Par ceste autorité est le Treschrestien incité à la vraye humilité de Iesus Christ, qui est la vertu d'or, des autres vertus conseruatiue. Sainct Hierome dit en vne epistre à Cellenas, qu'humilité est la principale vertu & garde des autres. Huietiesme l'escu d'armonie gallicane est ennobly des lys d'or, à cause que l'or a moult de vertus medecinales. Plin dit que l'or guarist les fistules & les amorroides, & des playes pourries. Ceste vertu medecinale prouoque le Treschrestien, & l'embrasement de iustice, qui est la mere de toutes autres vertus selon saint Hierome. Iustice dit-il, auree, vertu est curatiue des morbides maladies: car en punissant les malfaieteurs elle tollist & euite les pechez & offenses mortelles. I x. l'escu leliel est embelly de l'or put & fin: car l'or conforte le cœur de l'homme selon Auicenne: parquoy dit Constantin que l'or a propriété de subueni à l'estomach defailly: & par cela le Tres-chrestien de plus en plus est excité aux œuvres de iustice: car iustice est moult confortatiue & corroboratiue, laquelle de sa splendeur magnifie les sieges & throsnes Royaux: parquoy Dieu dit

B

aux Princes des Roys au premier chapitre du liure de Sapience. Iugez droitement vous qui iugez la terre, c'est à sçauoir les pecheurs. Pour conclusion lon ne sçauoit trop blasonner n'estimer l'or pour l'accumulation de tant de vertus toutes dignes de grand effect: aussi est il és saincts temples & lieux sacrez bien vsté. Regardons en l'ancien testament & nous trouuerôs que le beau temple que fist drefser & bastir le Tressage Roy Salomon, estoit tout instauré de la mine d'or, entant que dit le teste de la Bible que rié n'estoit en celuy qui d'or ne fust couuert: On treuve aussi en la sainte escriture que la ceinture du fils de l'homme estoit d'or. Les Roys & grands seigneurs ne portent l'or sinon en signe de grád preciosité: L'or a esté cause de l'exaltation du preux Iason, quant il raut la toison d'or. L'espouse de Iesus Christ, qui est l'Eglise militante des Chrestiens estant qu dextre costé de son seigneur, est espoux est dite en l'escriture sainte par aucune signification mystique estre vestué d'un precieux vestement d'or fin comme dit le Royal Prophete Dauid. *Astitit regina à dextris tuis in vestitu deaurato.* Et pour le dernier blason & excellente louange de l'or le souuerain Roy eternal a voulu que la gloire du ciel infinie des bienheurez, soit par l'or signifiée comme ne la sçauant a plus grand chose comparer & parifier. Pourtant donc qu'il est de si grand effect & vertu. Saint Iean en son Apocalipse nous enhorre à acheter l'or embrasé pour estre riche. Plusieurs autres louâges pourroient estre dites de l'or,



mais à cause de briefueté ie vueil ma plume retirer  
au secret de silence pour le present.

Du second metal & couleur, qui est argent  
& de son blason.



E second metal est blanc, qui mō-  
stre couleur, laquelle par figure re-  
presente l'eau, qui est apres l'air  
plus noble des elemens, & si est dit  
en armoirie argent: car il est le plus  
prochain des corps luyfants: & a-  
uec ce il signifie pureté & innocence. Et dit l'escrit-  
ture que les vestemens de Iesus Christ apparurent  
aux Apostres blancs comme neige: & pource qu'il  
est metal je le mets le second apres l'or dont on ne  
peut bien armoier qu'il ne conuienne que l'un des  
deux metaux y soit: comme je diray plus a plain bié  
tost cy apres. Ceste couleur est comparee au perle  
qui est tresfine pierre pure & nette: es complexiōs  
signifie flumatique.

L'argent est le metal, & de couleur apres l'or le  
plus beau & specieux, entant que les statues jadis  
celatures & engraueures estoient faictes de celuy.  
Premierement les statues d'Auguste Cesar en furent  
faictes selon que dient aucuns, mais je croy que ce-  
la est faux: car ja deuant on trouua au triomphe du  
grand Pompee la statuë de Pharnaces faite d'argēt,  
qui premieremēt regna en ponte. On a veu autre-  
fois Valerius Fuscus, premeu à l'ordre militaire por

B ij

tant anneaux d'argent, que les jeunes adolefcens studieux luy donnoient par grand honneur & folemnité. Les mâches des efpees d'aucuns cheualiers comme de Laberius ou Aurelius ont esté engrauez d'argent : pource que l'yuoire eleborique leur faſchoit . Les currés de Mitridates eupateur ont esté d'or & d'argent. Fabricius a voulu defendre que les vaiſſeaux : coupes & calices ne fuſſent faits d'argēt : & eſtoit dolent de voir les baings des femmes parez & accouſtrez d'argent : les lits & couches ont esté faiçts d'argent : lampes & autres choſes de grād eſtime . Ie laiſſe les marche-pieds des dames faiçts d'argent, par grand' ſuperfluité & feminine cure, pour plus d'honneur apporter à l'argent & prix de gloire . Craſſus le riche bailla & oppoſa à ſes jeux & conuis de couronnes d'or & d'argent, voulant ſuiuir la maniere des fueilles des arbres . Pline dit que l'argent eſt trouué quaſi en toutes prouinces : & meſmement és Eſpagnes, comme dit Pline dedans aucuns puyſ, dont les noms ſont impoſez du nom de leurs inuenteurs, & ſe nomme l'vn Debelo, qui fourniſſoit à Hanibal tous les jours trois cēs liures d'argent. Poſſidonus à eſcrit que Marcellus Conſul Romain, tiroit de celle belle partie d'Eſpagne, tous les ans ſix cens talens d'argent . On faiçt choſes vſez merueilleuſes de l'or & de l'argent par cōuertion & mixture : & meſmement on faiçt miroiers d'argent d'Egypte, qui ſont & rendent les ymages & faces moult terribles, comme Pline deſcrit, dont ie laiſſe le propos pour le preſent.

Le blason de l'argent se peut encore mieux prouver par l'écriture sainte, faisant mention en plusieurs lieux & passages de l'argent, par grand prix & estimation. Il est écrit au liure d'Exode 36. chap. que les ouuriers en matiere fabrilie firent par le commandement de Moïse, qu'il auoit eu de nostre Seigneur maintes belles choses dignes & riches pour le tabernacle dont les sousbassemens estoient d'argent, & tant y en eut qu'on ne le sçauroit escire en grand prolixité de temps, & dit au 38. chap. que les testes & chapiteaux des coulottes, & toute l'engraueure de l'œuvre estoit d'argent, & que les coulottes de latrie furent reuestuës d'argent, semblablement il est dit en ce mesme chapitre que cent talent d'argent furent employez à faire la fabrication des sousbastimens du sanctuaire, & de l'introïte ou le voile pendoit. Cela est assez suffisante probation de l'estime & excellence du blason de l'argent & pourtant que nostre mere l'Eglise s'en repare, aussi en chappes, voiles & ornemens i'en ay bien voulu faire quelque mention pour plus aduertir les lecteurs de ce present liure, que l'argent est de grand estat & dignité, aussi il represente en l'écriture sainte la clarté & verité de la sainte foy Catholique, selon aucuns expositeurs, car il est blanc, & si sonne cler & nettement, pourtant en ont esté faictes petites cloches & cymbales.

De la tierce couleur qui est vermeil,  
& de son blason.

B iij

## LE BLASON DE LA



**E**T pour dire couleur sans metal le plus principal est vermeil, qui represente le feu, car c'est le plus luisant en soy-mesmes apres le Soleil, & le plus noble des quatre elemens, pour laquelle Noblesse semblablement ordonnerent les loix, que nul ne portast vermeil, qui signifie hautesse, fors seulement les Nobles. Vermeil augmente la hardiesse au corps des cōbatans, quāt ils voyent leur sang esandre par autruy. Ceste couleur est comparee au rubis, pierre tresprecieuse. En vertus se dit hardiesse, aux complexions signifie homme cholerique, & en armonie guculles.

La rouge couleur ou vermeille est de grand estat & dignité, & bien nous le demonstre l'auristames du ciel miraculeusemēt aux Roys Gaulois enuoyee qui estoit de ceste couleur, afin de les aimer a vertu & courage magnanime & prouesse. Ceste auristame estoit en forme d'un estandart de soye rouge, bel & plaisant, & merueilleux à voir. Gaguin en a patlé dedans ses histoires Galicanes. Et les Chroniques de France le descriuent aussi. Pour plus amplement mōstrer l'excellence du courage, je dy que ceste couleur en l'escriture sainte souuent repectee signifie la vertu d'amour & charité. Et quant à l'estat des saints & benoists martyrs, elle denote leur martyre, qui est vne force & constance d'heroïque dignité & valeur. Il est escrit en Isaïe au 63. chap. que les Anges demandement à Iesus Christ, vray fils de Dieu naturel, montant au ciel le jour de

son Ascension, pour quelle cause son vestement estoit rouge. Et il leur respōdit que c'estoit de la couleur du pressouer qui auoit maculé son vestement, voulant dire mistiquement que le sang de sa passio auoit rougy sa precieuse humanité. Et en figure de cecy la robe du bon Ioseph fut par ses freres deschiree & taincte dedās le sang d'un cheureau, puis monstree a son pere Iacob, qui dist alors la voyant toute sanglante. La beste cruelle a deuoré mon enfant Ioseph. Autres passages sont assez escripts a ce propos. Escrit est aussi en la legende de l'inuention monseigneur S. Estienne, comme Gamaliel, qui auoit instruit monseigneur S. Paul en la loy s'apparut a aucun venerable, nommé Lucian, & luy monstra trois penniers d'or desquels l'un estoit plain de roses vermeilles, les autres deux de roses blanches, & le quart qui estoit d'argent, de safran. L'un des penniers d'or plain de roses vermeilles, signifioit le corps de monseigneur S. Estienne premier Martyr de la foy, qui auoit esté lapidé, & son precieux sang respandu. Voila comment le rouge signifie en l'écriture, le martyre des benoists saints & saintes. A ce propos l'Eglise vse de rouges vestemens & palles d'autel & courtines aux jours & festes des Martyrs. Le rouge donc est de grand effect, & signifiace dōt il est a priser, & moult a blasonner. Sans cause n'est pas dit que les gens de iustice s'en reuestent, car c'est a singulierement demonstrier comment ils doiuent estre fors & constans à faire bonne iustice des malfaiçteurs & transgresseurs, & mesmement

## LE BLASON

des homicides. A la signifiante de leurs vestemens craindre ne doiuent a esandre le sang des delinquans quant les loix au droict diuin conformees le requierent. Nous lisons en aucunes histoires que les anciens paintres coloroient l'image de iustice de vermeille couleur, mesmement les mains & le visage, qui n'est pour autre chose, sinon a signifier qu'ils doiuent estre bös & constäs justiciers pleins d'equite & bon zelle. Les Cardinaux sont habillez de rouge, & non sans cause: c'est pour les instiguer à la signification d'amour & charité. Il est faict mention en l'escriture sainte dedans le liure de Iosué, commēt Raab qui garda & cacha les explorateurs de Iosué fut pour celle grace conseruee de mort, moyennant vn fil rouge, ou petite corde qu'elle pendoit à la fenestre de sa maison pour enseigne. Ce fil de rouge couleur peut estre figure de grand prix & estimation dont le blason de ladite couleur ne sera amoindrie. Saint Paul dit aux Hebrieux, chap. 39. que Moysē deuant tout le peuple print du sang des veaux & des boucs, avec de l'eau de la laine rouge, & hysope. Là est faict mention de la laine rouge, qu'il nommē en Latin, *Lana occinea*: & non sans cause, mais pour grande signification que je laisse pour le present. Le commencement des liures, & les chapitres sont escrits communément de rouge, & non sans mistique raison, & pour fin de ce chap. es mysteres & ymageries lon despaint les Cherubins habillez de rouge couleur, parquoy son blason ne peut estre que de grand effect, veuë ceste couleur

couleur tant vſitee és choſes diuines & humaines.

De la quarte couleur, qui eſt azur, & de ſon blaſon.



'Autre couleur eſt Azur, laquelle re-  
preſente le ciel, & des quatre elemēs  
l'air le plus noble apres le feu, car il  
eſt de luy meſmes le plus ſubtil pe-  
netratif & habille à receuoir les in-

fluences lumineuſes, ſans leſquelles creature ne  
peut. Et eſt couleur cōparce au Saphir, pierre fort  
precieuſe. Et en vertus ſe dit loyauté. Et eſt com-  
plexions l'homme ſanguin.

Nous auons parlé de l'or, duquel ſont faiçtes &  
formees les trois fleurs de lys celeſtes du ciel en ter-  
re diriuez & miraculeuſement deſcendus, comme  
lon lit és Chroniques de France, & és autres hiſto-  
riens. Reſte maintenant a parler en brieſ & ſuccin-  
ctement de l'Azur au champ du lys, diçtes fleurs  
royallement aſſiſes, Dieu le createur qui a toutes  
choſes pouruoit par ſa ſainçte grace, ne donna pas  
ſeulement l'or en l'armoirie des Chreſtiens Roys  
de France: mais par habondant leur conferra la bel-  
le couleur ſaphirique & azuree: & ordōna que les  
lys en champ d'azur, ſeroient appoſez: & non pour  
autre cauſes, ſinō pour l'exaltation des Roys Tres-  
chreſtiens, auſquels il a plus confere de grace, qu'à  
tous autres Princes terriens. Et pour mieux cecy  
entendre & reſreſchir ſon memoire, de l'excellent  
eſtat galicane, ie demande pourquoy ceſt que les  
fleurs de lys dorces ont eſté deſpainted en l'eſcu de

C

## LE B L A S O N

France, sur couleur d'azur ou saphire, qui est couleur à la serenité du ciel semblable. Nous respōdōs en brieſs mots conuenables, que ceste couleur raisonnablement a esté aux Roys Chrestiens baillée pour moult de causes. Et premierement puis qu'il est ainsi que le Treschrestien Roy de Frāce soit entre moyen paranymphe de l'Eglise espouse de Iesus Christ: duquel l'office est amplifier l'hōneur diuin, & la gloire de la religion Chrestienne extoller & magnifier, il a esté descent & cōuenable que les enseignes de sa Majesté, fussent à la similitude du ciel cler & serain: afin tout ainsi que le fils de Dieu, qui est Roy des Roys, & seigneur des seigneurs, à pour son escu le ciel aux estoilles variablement ennōbly de la resplendeur des estoilles, aussi les Roys de France pour la gloire d'iceluy Roy celeste porte l'escu auquel sont intromis les lys d'or en champ d'azur, comme si les estoilles au ciel serain & lumineux liees & affichees, soient veuës reluire, ou l'escu du Tres-chrestien est comparé au ciel serain & radiant, pour dōner a entendre par la sublimité & hauteſſe celeste qu'elle soit l'altitude de sa dignité & puissance. Je ne veux pas maintenant parler & dilucider des proprietéz du ciel Empire, du ciel à l'eau aussi & du ciel aux estoilles, sus lesquelles les Royales proprietéz & moralles conditions facilement se pourroient descrire & à la louāge de l'escu de France souuerainement figurer. Je m'en deporterai pour le present. Je dy en apres voulāt ſuiure la valeur & excellēce de l'azur ou saphir, que ledit saphir par sa clarté, purité & fermeté enseigne



le Treschrestien à la vertu de force purité de pensee & conseruation d'icelle. Pline dit que le saphir re-  
luit de petits points dorez. Et selon Arnould le Sa-  
phir est gemme resplendissant. Le saphir par sa di-  
gnité & preciosité instruiet le Tres-chrestien Roy  
de France, a auoir honneur & reuerence à Dieu le  
createur, & à son seruice: car aucuns sont, disans que  
le saphir faict le courage de l'homme piteux & de-  
uot en Dieu, le conferme en bien & reconcilie la  
paix, parquoy il est dit entre toutes pierres la pier-  
re sainte, car a sainteté & deuotiō. l'homme dispo-  
se. A ce propos Dieu commāda à Moyse, qu'il mist  
en la robbe du grand Aaron prestre la pierre du sa-  
phir entre les autres precieuses. Par cela pouuons  
noter que le saphir Royal, cest la deuotiō des Roys  
& sainteté, doit estre mis en la robbe du grand  
prestre selon l'ordre de Melchisedech, qui est Iesus  
Christ, cest à dire, que sa charité & deuotion doit  
estre a tousioursmais à l'honneur diuin & culture,  
Ainsi ont faict plusieurs Roys de France, comme  
Charles le Grand, S. Louïs, qui par grand ardeur &  
deuotion ont faict bastir belles Eglises & ancien-  
nes reparer & renouueller. Hieremias remembrāt  
l'excellence du seruice de Dieu, & cōment les pres-  
tres estoient noblement aornez en l'administratiō  
du temple dist en pleurant de grand courage, & ac-  
compa la beauté & formosité au saphir, quand il  
dist, *Candidiores nazarei eius nunc.* Et en la fin *saphiro  
pulchiores.* Comme il est escrit au 4. des Threnes: Le  
saphir d'auantage, comme dit Arnould donne ve-

## LE BLASON

geration au corps, & cōserue les membres en leur integrité : dit aussi le maistre des proprietez que le saphir guerist celuy mauuais mal horrible, qu'on appelle, *Noli me tangere*: Qui est a enseigner les Roys à vegeter & garder leurs sujets, afin qu'ils ne pourrisent de ce mauuais mal & cancre, serpent de mauuaise iustice. Le saphir est pierre precieuse au ciel serain semblable, laquelle frappee des rayōs du soleil, rend vne grand resplendeur : parquoy dit Ysidore au liu. 21. des Ethimologies, chap. 9. que le saphir à poudres d'or en son corps espandues, signifiant Royale Majesté estre sollicitée a rendre graces à Dieu: car d'autant que plus grand benefice reçoit du grand collateur de grace, de tant plus doit espandre & refondre joyeux & ardens desirs en Iesus Christ, qui luy a baillé les benefices qu'il obtient. Le saphir est vne gemme fort delectable, belle & ioyeuse : parquoy dit aucun lapidaire, que l'espece du saphir est aux doigts des Roys bien seäte & cōuenable, & par ses vertus moins degestee que toutes autres. Ceste condition enseigne les Roys a cōseruer la beauté, joyeuseté & de cence de la religiō Chrestienne. Le saphir aguise la veuë insinuant aux Roys Chrestiens, cōment ils doiuent aguiser leurs cogitatiōs & pensees, à la sumptuosité des edifices de la celeste cité de Hierusalem. Car selon Ysidore le saphir est conté entre les pierres de couleur de pourpre, parquoy Thobie le saint vicillart voyant en esprit l'excellence de paradis en forme de cité, disoit que les portes estoient edifiees de saphire pre-

cieux. Sainct Iean en fait mentiõ semblablemēt en son Apocalipse, voulāt denoter de l'excellence son prix & inestimable valeur. Et pourtant que tant de beaux effects sont au saphir azuré mis & incorporez, i'en ay aucunement voulu parler & tenir mon propos.

De la cinquiesme couleur qui est noir,  
& de son blason.

**L'**Autre couleur est noire qu'on dit en armoirie sable & represente la terre qui signifie tristesse : car elle est plus loing de clarté, que nuls des autres elemens. Et pource furent trouuez en signe de douleur noirs habits, appartenant à gens dolens qui est la plus basse & la plus humble couleur qui soit. Et pour-ce s'en vestent aucuns religieux. Ceste couleur ressemble au diamēt qui est treffine pierre precieuse. Et es complexions represente l'homme melencolicque.

Neantmoins que la noire couleur soit & appoisse triste si elle est de grand dignité & estat & en signe de ce gros bourgeois marchans, hommes & femmes en sont richement vestus & parez : le noir se monstre plus de geste & de vil prix en couleurs par le pincel traictable que es autres couleurs qui sont faictes sur le feu es chaudieres & fournaises des taincturiers en draps, soyés & velours, pourtant elles ne sont à despriser & trouue

C iij

## LE BLASON

en souuent les fins noirs d'aussi grād pris que peut estre l'escarlate. Les poètes disent & mesmement Virgile Marō que les ligustres blancs & clers sont laissez tomber & conculquez sous les pieds, mais les vaccins qui sont fleurs ou noires violettes sont dignement & à grand pris recueillies. Quand le noire ne seroit honoré fors seulement à cause qu'il est vñté és triomphes funeraux & lamétables si est-ce assez pour l'apprecier & en renc d'hōneur mettre. Le dueil des grans princes & dames en est mené & faict l'office des trespassez en est assorty. Neue la deesse des pleurs & lamentations s'en reuest & atourne son chef & en sont les Eglises tout autour enceintes & enuironées. L'escripture sainte faict mention de ceste couleur aussi bien que des autres : quand le sage Salomon dit en la personne de l'Eglise. Je suis noire, mais belle. Toutes-fois noirceur en l'escripture signifie souuent dueil ou tribulation qui n'est à despriser : car les bons Chrestiens qui sont souuent en tribulatiō & peine sont plus estimez de Dieu, que ceux qui viuent en plaisir liesse : & en ceste maniere de parler la noire couleur est en fin changee en blanc ou pour micux dire en or conuertie, entant que les douleurs tournent en ioye & liesse quand nous sommes en l'autre monde.

De la sixiesme couleur qui est verd &  
de son blason.

**L**A derniere couleur en Armoirie est verd qu'on dit sinople qui signifie bois, prez, champs, verdure & pour ce qu'elle n'est mye comprise ne cōptee és quatre elemens elle est reputee par aucuns le moins noble. Ceste couleur en vertu est comparee à lieffe & à ieunesse. Et est semblable a l'esmeraude tresprecieuse pierre.

Neantmoins que le verd soit selon aucuns comme ie viens de dire le moins noble reputé toutes fois cela sented du vers verd en taincture ou peinture: & non du verd franc & naturel qui se treuve és herbes, arbres, prez & montaignes car en cela chose n'est plus belle a veoir ne qui plus resiouisse le cœur & la venë, il n'est dont à contemner & ne se doit aucunement plaindre de sa dignité & valeur: puis qu'il est ainsi que dame Tellus Ops, Cybelles deesse de la terre se reuest & pare de ceste couleur comme disent les poëtes mesmement au temps de ses amours lors qu'elle sont & congnoist que Phebus son mary est eschauffé d'amours voulant venir en son giron dormir pour la faire fructifier. Est il chose au monde plus recreative que la belle verdure des prez bien floris, que les arbres fueillus & couverts de leurs vertes rames que les ialoux & arundes d'autour les ruisseaux & fontaines: pierres precieuses de verde couleur come sont fines esmeraudes lesquelles toutes choses ont naïfue couleur naturelle & n'ont point par art procedant. Qui faict ainsi les deux mois Avril & May se resiouir plus de tous autres mois de l'an sinon la

G. iiii

plaisante verdure des champs qui esmeut les oy-  
lons des champs a si melodieusement chanter fors  
la vernante saison & le vert gay delectable. Le pa-  
pegay prent vn singulier plaisir à se veoir ainsi bié  
coloré de vert & croy que sans celle couleur que  
bien luy aduient & plaist iamaïs ne parleroit ne sa-  
lucroit ne Roy ne Seigneurs.

De la septiesme couleur qui est pourpre  
& de son blason.



E toutes ces six choses & couleurs  
on en faict vne quand on les mesle  
enseble autant de l'vn cōme de l'au-  
tre, & c'est la septiesme qui en ar-  
moirie de sō propre nō se dit pour-  
pre laquelle aucun tient en armoirie pour couleur  
& aucun nō. Et aucuns dient que c'est la plus basse:  
pource qu'elle est faicte des autres couleurs car el-  
le n'a de vertu fors ce que les autres luy en donnēt.  
Et aucuns la tiennent pour la plus noble & hau-  
te pource qu'elle tient de tous les couleurs. Et de  
cette couleur se vestoient les Empereurs & les  
Roys, quand ils tenoient estat Imperial ou Royal:  
pour la plus noble couleur que fust pource qu'elle  
comprēt toutes les autres comme dit est. Et encor  
le doiuent ils faire ainsi. Et le premier qu'onques  
s'en vestit fust le tiers Roy Romain, qui eut nom  
Tullius Hostilius: lequel regna trēte ans & renou-  
uella les batailles qui du temps de Numa pompi-  
lius

lius estoient appaisees. Ceste couleur est semblable à tant de fines pierres que c'est sans nombre. Et le peut on dire en vertu abondance de biens. Au téps passé nul ne vestoit sinon Empereurs ou Roys : & en couroyent par grand dignité les autels & tabernacles.

Pline dit se me semble à ce propos au liure xxxv. chapitre sixiesme de son histoire naturelle, que le pourpre pour la magnitude de son prix & valeur, est deuant toutes autres couleurs à preferer. La forte femme s'est voulu parer de pourpre : comme il est dit au liure des proverbes au xxxi. chapitre qui n'est sans quelque grande signification & mystere. Il est aussi escript au xiiij. chapitre des Cantiques Salomon : que celuy sage Salomon grãd Roy de Hierusalem pacifique fit faire vne litiere des bois de la forest du mont du Lyban, de laquelle les colonnes estoiet d'argent reclinatoire d'or, & leschelle pour monter dedans estoit de pourpre c'est à sçauoir paincte ou couuerte de soye de celle couleur. *Ascensum purpureum* dit l'escriture. Il là fit ainsi belle & l'acoustra de moyenne charité pour l'amour des filles de Hierusalem. Cela denote assez viuement que la couleur de pourpre n'estoit au téps passé & assopy sans grand hõneur enuers les Roys deduit & triumphe, enuers l'eghise sans mistique & belle signification, laquelle ie ne veux pour le present aleguer ne dire. Comme ja auõs dit ceste couleur est pour Roys, Empereurs & grans Seigneurs. Et speciallement le fils de Dieu, qui est le Roy des Roys, & Seigneur des Seigneurs, en voulut estre re-

D

## LE BLASON

uestu, car nous lisõs en sa vie que la glorieuse vierge sa mere luy fist vn vestemēt de couleur de pourpre qui estoit inconsutile, c'est à sçauoir sans couture pour monstrier qu'elle l'auoit conçu sans péché de virginalle corruption, & croissoit ledict vestement cōme le doux enfant croissoit, qui est beau miracle. Iay veu labillement à Argentueil pres de Paris, enuiron trois lieuës le Roy des Roys doncques à bien voulu ennoblir le pourpre pour monstrier qu'il estoit le grand Roy du ciel & de la terre. Les poètes descriuent la maniere cōment fut trouué la couleur de pourpre dont ie ne veux en ce liure parler à cause que ce sont fictions & choses vaines. Voila ce que i'ay peu trouuer des couleurs en general & particulier pour le present.

### Question d'armes.

**O**R demande le poursuyuant commēt se faict armoirie. Responce. Ie te dis qu'elle se faict en chacun escu d'une couleur des cinq deuant dites, & d vn metal dessus l'escu & le contraire. C'est à dire vn escu d'argent à vn lion de gueulles, ou vn escu de gueulles à vn d'argent ou dor: ainsi se faict ou doit faire armoirie de couleur ou de metal.

Car il ne peut estre de deux couleurs sans metal: ne de deux metaux sans couleur. Et pource faut s'il est d'or où d'argent que il y ait dessus couleur. Ou si l'escu est de couleur qu'il y ait dessus metal: & nō pas couleur sus couleur: ne metal sus metal. Question.

Et pourquoy porte doncques le Roy de Hieru-



saient vn escu d'argent à vne croix d'or, qui sont deux metaux. Responce.

Pource que Godefroy de Billon quand il conquist Hierusalé, assembla son conseil & par la bonne deliberation de luy & de sondit cōseil, afin que l'eston en feust à tousiours vers eux qui se meslent, & prennent plaisir à sçauoir que c'est que des armes. Print lesdictes armes pour la noble cōquête qu'il fist & afin qu'il en feust memoire. Et ne les porte ny ne doit porter de deux metaux ne de deux couleurs nuls autres : car elles seroient faulces & mal armoyees.

S'ensuyt la nouuelle maniere de blasonner les couleurs en armoirie & metaux.

**O**N dit cōmunément que toutes sciences sont sçeuës non pas par vn homme seul: mais chacun en sçait, selon ce que sa nature le peut comprendre: or soit ainsi que ie Sicille Herault : mareschal de Hameau docteur de ce liure qui par la grand affectiō que i'ay eu au noble office d'armes, ay moult trauaillé de mō petit pouuoir pour mettre ledit noble office par memoire en l'honorant comme tout homme le doit honorer & augmenter ce de quoy il veut vsfer: & mesmement viure pour acquerir le noble tresor de bonne renommee. Si ay consideré comment anciennement les nobles & sages Philosophes donnerēt au premier noms difficiles aux choses non accoustumees d'vsfer afin qu'elles ne fussent si legierement congnues du populaire rude non sçachant qui se mocque de ce qu'il ne con-

D ij

## LE BLASON DES COVL.

gnoist. Et par ainsi comme dit est eux cõgnoissans en l'absence du populaire mirent & poserēt noms estranges & difficiles aux couleurs & metaux en armoirie comme de verd, dire sinoples & ainsi des autres en plusieurs manieres.

Et pour ceste cause au plaisir de Dieu i'ay entrepris de mettre si la maniere de blasonner & dõner propres noms aux couleurs & metaux à eux appartenans par bonne raison & selon les Philosophes & arquemiens qui à cela s'accordent. Et si les nommeray en la maniere Grecque tant en couleur eomme en metal : mais premierement ie les nommeray en la maniere accoustumee de present tant en vertus comme en pierreries, comme il en traicte si deuant en cestuy liure. Et en fin ie les nommeray en spirituel, en temporel, par figure de vertus & aussi selon les quatre elemēs & signes celestes dõt tout icelles sept couleurs seront dictes chacune en huiet manieres plus & proprement demonstrees. Si prie à tout Princes & seigneurs, cheualliers, escuyers & de nobles hommes, Roys d'armes & Heraut si il y a quelque faute qu'il me soit pardonné. Et se aucun bon enseignement y a qu'ils le mettēt en leurs entendemens.


La maniere de blasonner a present  
en armoirie.

15



Gueulles.

Azur.





Argent.

Sinople.



Sablon.

Pourpre.



D iij



LE BLASON  
Figure desdites couleurs selon les  
vertus mondaines.

Richesse.



Hautesse,

Loyauté.




Simplesse.

Liesse.



Abondance de biens.

Pureté.



## AUTREMENT.

Or, Noblesse,	Argent, Justice,
Gueulles, Hardiesse,	Azur, Science,
Sinople, Beauté & honte,	Sable,
Tristesse,	Pourpre, Grace de Dieu & du monde.

Figure sur les pierreries.

Gueulles, Rubis,	Azur, Saphir.
Or, Topaze,	Argent, Perles,
Sinople, Esmeraude,	Sable, Diamant,

Pourpre : Plusieurs fines pierres.

Blason sur les sept âges de l'homme.

Argent. Enfance iusques à sept ans,  
 Azur. Puerice iusques à quinze ans.  
 Or. Adolescence iusques à vingt cinq ans.  
 Sinople. Jeunesse iusques à trente cinq ans.  
 Gueulles. Virilité iusques à cinquante ans.  
 Pourpre. Vieillesse iusques à lxx. ans.  
 Sable. Decrepité à mort.

Blason sur les quatre complexions  
 de l'homme.

Sanguin.

Cholérique.



LE BLASON  
 Fleumatique. Melencolique.



Blason sur les quatre Elemens.

Greculles, Feu.  
 Argent, Eaue.

Azur, Air.  
 Sable, Terre.

Lacter sur le blason des couleurs.



Ature par l'ordonnance de Dieu, dès le commencement du monde faict & ordonne toutes choses qui naist de la matiere des quatre elemés. Si est dit pour les sept metaux diuers en espeece qui sont, or, argët, cuiure, fer, estain, plomb, & vif-argent. Lequel vif-argent on met pour metal: Pource qu'il conuerse à la nature d'un chacun metal: & est metal par plusieurs raisons, selon les Philosophes Arquemiens, qui ainsi le trouuent. Cōment la couleur du pourpre, qui est faicte & tient de chacune couleur, & non pas d'elles-mesmes. Et si est dite couleur, tant en

en armoirie comme autrement. Lesquels métaux sont faicts & procreez au ventre de la terre. Et sachez que l'intention de nature est faire tousiours la meilleure chose qu'elle peut selon la matiere qui eschet en son ouurage. Mais pour l'accroissement ou amenuisement de la matiere elle œuvre. Et par la grandesse ou petitesse qui est en son instrument defaut elle à la fois. Si aduient qu'elle faict monstre és choses non parfaictes comme vn enfant à deux testes ou sans bras ou autrement: car se nature auoit matiere nette pure & bien attrempee: & instrument tel qu'il luy faut elle feroit tousiours la meilleure chose que faire se pourroit & feroit de tous les métaux or ou argent pour-ce que or & argent sont les métaux plus beaux, meilleurs plus chers & desirez de toutes gens. Mais de toutes icelles choses il me faut taire: & parler & monstre de mon propos que i'ay entrepris à cause desdits métaux que i'ay figurez aux sept couleurs & nommez en leurs propres noms: pour les ainsi dire & blasonner en cas du nouveau nom, non congneu ne accoustumé des rudes, qui n'en doiuent auoir congnoissance comme dessus est dict: & comme i'ay parlé des sept aages de l'homme & appropriez aux sept couleurs qui n'est accoustumé d'auoir veu. Toutesfois se pourroit il ainsi proprement dire comme on dict gueulle, sable, sinople, ou autrement en descongnoissant d'usage de parler, & de nommer les couleurs en langage commun.

E

## LE BLASON

Comment les Grecs blasonnerent leurs  
couleurs selon les metaux & en  
leur langage.

S'ensuyuent premier les noms des sept me-  
taux, en langage Grec, qui sont figurez  
aux sept couleurs.

Or,  
Argent,  
Cuyure,  
Fer,  
Estain,  
Plomb,  
Argent vif,

Cricasy.  
Alsime.  
Carcomme.  
Sidero.  
Stagonne.  
Moulicuy.  
Diarguero.

Ces couleurs se dient en deux manieres. Premier  
se blasonnent selon les metaux en François: &  
puis selon les metaux en Grec, ainsi que si des-  
sous.





DES COULEURS.  
Les métaux en Grec.

18

Or,

Χρυσός.





Αἰσίνη.

Κυύρε, Καρκομμ.




Φερ, Συδερό.

Εἰς τὴν, Σταγονή.



Πλὺμ, Μουλιεύ, Ἀργεντ-βίφ, Δυαργουέρο.



E ij

## LE BLASON

Ceste matiere fut la premiere de nommer les couleurs pour blasonner : car au commencement les Grecs les nommoient en leurs propres noms, ainsi que cy deffoubs.

### Les couleurs en Grec.

Or, Citrine.  
Gueulle, Coccine.  
Azur, Veneto.  
Argent, Apre.  
Sinople, Pracine..  
Sable, Mauro.  
Pourpre, Ocscy,

Ceste matiere fut la seconde de nommer les couleurs pour blasonner, car ils les approprierent aux noms des metaux: & si les y nommerent.



## Métaux en couleurs Grecs.

Or, Cricasy.  
 Gueulles, Carcomme.  
 Azur, Stagonne.  
 Argent, Alsime.  
 Sinople, Moulieuy.  
 Sable, Sidero.  
 Pourpre, Diarguero.



Es Payens comme Alexandre,  
 & les autres combatans, hauts  
 princes parauant luy & apres:  
 blasonnerent par les sept prin-  
 cipales planettes, & y nomme-  
 rent leurs couleurs, & faisoient  
 idoles en leurs noms, qu'ils a-  
 doroient, & les vestoiét d'icel-  
 les couleurs que vous voyez, selon leurs noms. Et  
 és batailles chacun portoit de la couleur du Dieu,  
 en quoy il croyoit, & disoient que ce leur aidoit  
 moult à combattre.

Blason par les sept principales vertus, trois  
 Theologienues, & quatre Cardina-  
 les, figurees selon leurs natures.

E iij

## LE BLASON

Or, Foy.	Argent, Esperance.
Gueulles, Charité.	Azur, Iustice.
Sinople, Force.	Sable, Prudence.
Pourpre, Attrempance.	

### Blason par les jours de la sepmaine.

Or, Dimenche.	Argent, Lundy.
Azur, Mardy.	Gueulles, Mercredy.
Sinople, Ieudy.	Sable, Vendredy.
Pourpre, Samedy.	

Toutes icelles manieres de blasonner és noms des coulens se peuuent proprement faire par bõne maniere & naturelle raison. Mais les vnes sont plus belles & plus propres que les autres, posé que elles soient fort iustes : mais on se tient volontiers au langage beau, aorné & plus plaissant à ouïr selon la condition & plaisir des oyans, & des prononçans. Mais quant est à moy, ie me tiendroye selon mon aduis à la maniere ancienne première faicte par les Grecs en leur langage: tant en metaux comme en mons de couleurs. Et si fait bien a recommâder le blasonner par les sept planettes, nonobstant que de toutes icelles manieres & autres ie m'en raporte & soufmetts à la bõne discretion de tous mes trefredoutez Princes & seigneurs, & des nobles & sages officiers d'armes.

DES COULEURS.  
Blason sur les quatre saisons de l'an.

20



Été.

Automne.



Hiver.

Printemps.




LE BLASON  
Blason par les sept principales planettes, figurees  
selon leurs natures.


Sol.



Mars.



Luna.



Iupiter.




Mercurius.



Venus.



Saturnus.



Ainsi

Ainsi nommerent ceux de Troye leurs couleurs.

Or, Emriagi.	Sinople, Eſtera.
Gueulles, Truty.	Azur, Detrady.
Pourpre, Peſety.	Sable, Paraſegy.
Argent, Senato.	

A proprement parler iceux nous ſont les iours de la ſepmaine & commence au Dimenche. Et veſtoient les Roys de Troye, chacun iour la couleur de la iournee, & auoiét aucuns des cheualiers leurs eſcus paincts d'icelle couleur au iour qu'ils entroient en bataille ſelon la iournec. Et ne blaſonnoient en autre maniere.

Fin du premier traicté de blaſon des couleurs.

S'enſuit le ſecond traicté du blaſon des couleurs en general & ſpecial.

**D** Vis que nous auons deſcrit la maniere de blaſonner les couleurs en armoirie. Il conuient parler de la diffinition de toutes couleurs en general & eſpecial en les blaſonnât le plus iuſtement que faire ſe pourra, ſelon leur nature & complexion. Mais quant eſt a parler que c'eſt que couleur: le createur de toutes choſes créa toutes couleurs naturellement quant & quant les autres choſes. Et a bien parler toutes couleurs procedent de la nature des quatre elemens. Couleur eſt l'extreme clarté du corps ou elle eſt incorporee: laquelle eſt ſubſtance de lumiere en elle meſme. Et

F

## LE BLASON

la cause pourquoy nous ne voyons la couleur en temps de tenebres, il ne tient pas à la couleur: mais à la veüe qui n'est pas assez suffisante & aguë. La lumiere est celle par qui nous pouuons receuoir le don de la veüe pour discerner toutes couleurs. Combien que les couleurs soiët aussi belles en tenebres comme en lumiere. Nonobstant la lumiere manifeste la beauté d'icelles. Desquelles couleurs en y a aucunes qui sont plus belles les vnes que les autres cōme si apres sera plus à plain declaré: mais auant toutes choses il conuient traicter des inuenteurs de couleurs & qui trouua l'inuention.

Des inuenteurs des couleurs.

Celuy qui trouua l'inuention des couleurs, fust Giges l'Indien en l'art de peinture selon que recite Polidore en son 24. chapitre du second liure aléquant les anciens hystoriographes. Et Pirrus en Grece cousin de Dedalus. Tesmoing Aristote. Polignotus trouua l'inuention de paindre les femmes & couvrir leurs testes de diuerses couleurs. Cleopphantus Corinthien trouua l'inuention des couleurs. La gloire du pinceau, *Appolodorus Athenië desseruit*. En celuy art furët glorieux Timagoras: Calcidence: Pithis: Aglaophon: & Polignotus. Mais cōme ie croy la diuersité des couleurs vint premierement par les fleurs: desquelles Glicera trouua la maniere de les mesler ensemble: laquelle fust fort ay mee du painctre Sicionius pour la cause qu'elle cōgnoissoit l'art des couleurs: & apres elle plusieurs autres en trouuerent l'inuention. Les Lides selon



Plin furent inuenteurs de taindre les laines. Et les rapissieries de diuerses couleurs furent inuentees à la salle du Roy Atalus d'Asie. Surquoy ne nous deuons arrester. Mais nous parlerons de l'origine & commencement des couleurs commēt on les doit mettre en leurs ordres & de leurs proprietēz & premierement parlerons de sa vertu.

### De la vertu des couleurs.

**N**ulle couleur rend les choses inuisibles parquoy d'icelle est grande la vertu comme nous trouuons en escript d'une femme qui estoit avec son mary couchee & estant au faict de conception mist son cœur à penser à vne teste noire qu'elle auoit veue le iour mesmes qui pēdoit pour enseigne à vne maison qui estoit deuant la sienne. Elle ayant conçu pour l'heure : & le terme venu pour enfanter, se deliura d'un enfant noir cōme celle teste: dōt son mary la soupçonna: le faict enquis fust trouué que c'estoit pour la teste à quoy elle auoit pensé, qui fust chose de grand merueille. Nous pouuons veoir par cecy que la vertu de couleur est grande. Semblablement nous voyons que naturellement si vne femme enceinte d'enfant, que par cas de fortune il luy chee quelque matiere portant couleur en son seing que l'enfant en apportera la tache & impressiō à son maistre. Nous lisons au liure de la Bible que Iacob estant en la

F ij

## LE BLASON

maison de Laban, pour faire multiplier son ouaille (tachée & maculée de plusieurs couleurs à cause qu'elle luy appartenoit) au téps que l'ouaille estoit en chaleur comme en Septembre: ou au mois de May: & qu'elle estoit au faict de generatiō il pelloit & ostoit vne partie de l'escorce des petits arbrisseaux: & faisoient apparoiſtre couleur en iceux, par la difference du bois & de l'escorce: pareillement le faisoit aux vaisseaux la où ils beuuoiēt. Par la vertu desquelles couleurs les bestes qu'auoit Iacob en garde: la plus grand partie faisoient leurs petites tachez de plusieurs couleurs: en quoy Iacob profſita grandemēt les vertus de couleur sont grandes. Elle met la difference entre les choses cōme l'or à l'argent. Elle est substance de lumiere belle en soy-mesmes ayant besoing d'aucune clarté. Elle resioit celuy qui la regarde. Elle donne vigueur à la persōne, elle enrichit ou enlaidit la chose ou elle est assise. Toute chose est bien disposee par couleur. La resplendisseur d'icelle esblouyt la veüe par couleur toute chose est prisee & honnoree, la couleur faict demonſtrance des choses que nostre Seigneur à créées, finablement toute couleur enhardit & d'escourage l'homme.

Du fondement de couleur, & de  
ses especes.



E fondemēt de la couleur est vne clarté bien terminee, qui est au corps coulouré & la couleur est vne lumiere espesse. Ceste matiere de couleur est moite, qui est claire de sa nature: car la secheresse de la terre n'est pas claire: parquoy il faut que ceste clarté qui est la matiere de couleur soit moiteur. Ceste clarté à trois differences. Car elle est ou subtile ou grosse ou moyenne. Et s'elle est moyenne c'est la moiteur de l'eau. Et s'elle est subtile c'est la moiteur de l'air. Et s'elle est grosse la moiteur est alteree à la grosseur de la terre. Il est à considerer se la matiere des couleurs est seiche ou moite ou moyene. Se secheresse à la seigneurie en ceste matiere elle est transmuee par chaleur en couleur blanche, se la matiere est transmuee par froidure adonc sera engendree noire couleur. Quant la matiere est moite & est transmuee par chaleur la couleur est noire, quand elle est transmuee par froidure la couleur est blanche. Entre blanc & noir à moult de couleurs moyennes, car tant comme secheresse à plus fort la seigneurie sur la matiere, tant est elle plus forte a esclarcir. Et tant comme secheresse y a moins de force, de tant y est blancheur plustost engendree, & de tant comme secheresse y est plus grande & froidure plus forte, de tant y est plustost engendree noire couleur. Et quand froideur & moiteur sont fors noire couleur y est. Et quand moiteur est petite & froideur grande: adonc est causee blancheur cou-

F iij

## LE BLASON

leur. Et se moyſteur eſt grande, & froideur petite, & la chaleur forte, & la noirté eſt grâde, ſi la moyſteur eſt forte, & la chaleur petite, la noirté n'eſt pas ſi grâde. Froid & chaud œuurerēt moyénement en vne matiere : adonc eſt de neceſſité engendree vne couleur moyenne, entre blanc & noir: mais elle approchera plus au noir qu'au blanc, ſe la matiere eſtoit ſeiche. Et ſe la matiere eſtoit moiſte & le froid & le chaud eſgaux, la couleur moyenne retrairoit plus au blanc qu'au noir. Et ſe la matiere eſt moyène entre ſec & moiſte, la couleur ſera moyène entre noir & blanc. Et ſe le chaud eſt plus fort que le froid, la couleur ſera plus noire que blanche. Et ſe le froid eſt plus fort, elle ſera plus blâche que noire. Et ſi le froid & chaud entrent eſgalement, la couleur auſſi ſera moyenne, entre le blanc & le noir. Il appert d'œc par ce qui eſt dit qu'ès couleurs y a deux extremittez: c'eſt blanc & noir: & y a cinq couleurs moyennes entre ces deux, & ny en peut plus auoir, ne moins auſſi. Combien qu'il y a pluſieurs couleurs qui ſont diriuées, & procedent des autres cinq comme nous dirôs. Ariſtote nomme ces cinq couleurs moyennes: & dit que la premiere eſt appellee pale, la ſeconde jaune, la tierce rouge, la quarte pourpre, la quinte eſt verde. Entre le blanc & rouge, eſt le pale pres du blanc: entre blanc & noir le rouge eſt le moyen, & le jaune plus pres du rouge. Entre le rouge & le noir eſt le pourpre plus pres du rouge: & le verd plus pres du noir.

## Des couleurs en especial &amp; de leur blason.

Premierement de blanche couleur &  
de ses liurees.



**M**aintenant faut dire aucune chose des couleurs en especial & premierement la blanche couleur qui est le fondemēt des couleurs moyēnes. Blancheur est vne couleur qui est engendree de lumiere claire & grande en vne claire partie du corps ou elle est. La couleur blāche s'espand moult par les yeux & blesse & corrompt la veuē: & faict aucunesfois les yeux plorer. Qui veut paindre vne maison il la blanchist premier pour y bouter les autres couleurs: car c'est le fondement d'icelles. Ils sont moult de couleurs qui luy appartiennent: cōme Pale: pers: bleu: fauve: gris & moult d'autres. Blācheur couleur est cōmencement de beauté & de ioye. Quand à blasonner la dicte couleur aux metaux elle ressemble à l'argent. En pierreries, la Marguerite, le chrystal: la gemme: le diamēt: le voirré qui sont pierres precieuses fors que voirre. Elle ressemble à la Lune: aux estoilles nuees: pluyes: eauēs: gresles: neiges & autres choses naturelles: elle signifie la personne iuste & de bonne conscience. Quand aux sept Sacremens de l'Eglise: elle represente le Sacremēt de Baptisme. Elle represente la personne blanche & de bonne complexion. C'est à sçauoir ioyeux deliberé & large.

F. iij

## LE BLASON

La beauté de la personne est blancheur avec vn peu de couleur vermeille. En la femme signifie chasteté: en la fille virginite: au iuge iustice: aux riches humilité. En fleurs elle est comparee au lis: à la rose & à plusieurs autres: & quand elle est pour liurce mise avec la couleur d'incarnal & quelcun la porte sus soy elle signifie estre apparent & exaulcé entre les autres. Et s'elle est mise avec le bleu ou pers elle le signifie coutois & sage. Avec le gris: cspérance de venir à perfection: avec le iaune: iouissance d'amours: avec le rouge: hardiesse en choses honestes: avec le verd: vertueuse ieunesse: avec le pourpre: grace de toutes gens: avec le noir: auoir partie de ses plaisirs: avec le téné: suffisance, avec le violet: loyauté en amours. Et ainsi des autres selon ce que les couleurs se blasonnent à part.

### De fauve & pale couleur.



**F**Auve couleur est engendree de foible blancheur qui trait vn peu sur le rouge, & est engendree en matiere atrempee au regard du verd. Car le verd est mué en fauve es fueilles des des arbres en Autōne pour le fruiēt qui y fait couleur moyenne qui est plus pres du blanc que du verd. Ceste couleur n'est pas belle: sinon en draps qui sōt de ceste couleur & se mōstrent fort beaux. Elle descourage la personne. Elle signifie desfiance & deception, pale couleur est engendree de telle cause

cause comme la fauve : mais il y a moins de blanc & trait plus au noir. Ceste couleur vient d'aucuns accidens , comme de peur de trop penser trauailler & autres. Elle demõstre trahison à celuy qui la porte : & n'est pas bon signe quant vne personne est pale : mais quant il est rouge, aussi ayssé l'extremité de maladie. La couleur pale est demonstree en plusieurs choses naturelles, & non gueres par art. Et comme i'ay dit elle signifie trahison, cautelle, changement de pensée, & faict l'homme melencolique: de ceste couleur on faict plusieurs beaux draps. Neantmoins ces deux couleurs ne se peuuent appliquer a quelque belle vertu n'à belle fleur. Mais a plusieurs fleurs sauuages & de nulle valeur : mais nous en parlerons encores cy apres.

De la couleur rouge, & de ses liurees.

**R**Ouge couleur tient moyen entre blanc & noir, & est autant ong de l'un comme de l'autre: mais en reluisant elle s'accorde plus au blac qu'au noir pour sa clarté, qui est de nature de feu, laquelle reluist & esbloüist la veuë ainsi que la blanche couleur. La couleur rouge est signe de chaleur, combien que la roze est froide, qui est rouge par dehors. Rouge en pierreries en semblable a l'escharboucle tresfine pierre. En metaux le cuiure, en fleurs l'œillet. En vertus signifie hautesse, proüesse & hardiesse. Le rouge ennoblif fort les autres

G

## LE BLASON

couleurs, elle monstre bon signe a celuy qui la porte. Aux sept sacremens de l'Eglise represente cōfession. Aussi est comparee au feu le plus noble des elements, aux tonnerres, foudres, esclairs, vapeurs, & autres choses. Elle signifie courroux, cholere & hardiesse: & quant quelqu'un l'a pour liuree mise avec le verd, elle n'est gueres belle, non pourtant signifie elle hardiesse ieunesse. Et quant elle est avec le bleu ou pers, c'est desir de sçauoir: avec le jaune, cupidité d'auoir: avec le gris, esperer en hautes choses: avec le noir faché & ennuyé du monde: avec le tanné toute force perduë: avec le pourpre, fort en toutes choses: avec le violet, amour trop eschauffe, & ainsi des autres. Ceste couleur est au vin, & en veines de terre, aussi se fait par art, comme les peintres & tainturiers le font. Sinople couleur rouge, qui fut premier trouuee en la mer, pres d'une cité de se non. Nine est vne couleur rouge, que ceux de Grece trouuerent en Ephese: aussi en sandarache, qui croist en vne isle de la mer rouge, & Ocre en l'isle de Topazion. Vermillon aussi est couleur rouge, & croist au riuage de la mer rouge, ainsi nommee par la couleur du vermillon. Et aussi ressemble au courail. On trouue en daucunes escritures que Lorisflamme, qui fut enuoyee du ciel aux Roys de France en maniere d'un guidon estoit de soye rouge: parquoy la couleur est moult noble, & si porte medecine, comme il appert du fendal, qui guerist & conferue le don de la veuë, qui est de couleur rouge.



De la couleur jaune, & de ses  
liurees.

**E**ntre le blanc & le rouge est la couleur jaune plus pres du rouge. Et est fort apparente entre les autres couleurs, comme l'or entre les metaux, combien que l'or est couleur & metal, comme nous auons dit au premier traitté. Ceste couleur est de trois genres. La premiere est jaune, moyenne couleur. La seconde est plus clere, & est couleur citrine, que nous disons jaune pale. La tierce punicee, & traict sur le rouge, & est ce que nous disons jaune orangé. La jaune couleur est signe de chaleur en vne vrine: Aussi est signe de mauuaises humeurs, comme il appert de la jaunisse. Ceste couleur est cōparee au soleil. En metaux à l'or, en pierreries ressemble à la crisopace, & à la crisolite. En fleurs la soufcie & autres telles. Ceste couleur en vertus signifie sapience, richesse & magnanimité. Aux sept sacremens est elle comparee au saint sacrement de l'autel. Elle signifie iouissance. prudence & hauteſſe. Et pour la porter en liuree avec autre couleur le bleu y est plus seant: alors signifie iouissance des plaisirs mondains. Et quāt elle est avec le gris, elle signifie gens plains de soucy, pource qu'ils ne peuuent iouyr. Et si elle est avec le verd, c'est esperance de iouyr: avec le violet iouyr d'amours: avec le noir cōstāce par tout, & suffisance d'amour: avec l'incānal, richesse bien tēperee. Et avec autres couleurs ou toute seule pour le tēps qui

G ij

## L E B L A S O N

court, ce n'est pas g'tand chose: sinon le jaune doré, qui est couleur bien complexionnee. Aussi signifie elle la personne de bonne sorte, & bien attrempee, sage & de bon conseil, jaune couleur se faict par nature & art.

De la couleur verte & de sa liuree.



**V**erde couleur est engendree par chaleur, en matiere moyenné entre sec & moiste: mais elle est plus enclinee au moiste qu'au sec, si-comme il appert és fueilles fruiçts & és arbres.

Et pource il y a moult de noir en la couleur verte. La couleur verte est delectable a la veuë: & luy donne grand plaisir, & traict les yeux à la regarder, & les reconforte & pare quant ils sont greuez. Ceste couleur est tousiours joyeuse, & appartient à ieu- nesse. Elle represente arbres, prez, fueilles, & fruits. En pierreries elle est comparee à l'esmeraude, au jaspe, à la mede, à la melortie, à la prasse, au quadros, qui sont pierres precieuses. Elle signifie beauté, liesse, amour, joye & perpetuité. Aux sept sacremens represente le sacrement de mariage. En metaux est comparee au plomb. En liuree mise avec le bleu signifie ioye simulee avec le violet, amoureuse liesse: avec l'incarnal, esperance és honneurs: avec le tanné, rire & plorer: avec le gris, jeunesse transie d'amours: avec le noir attrespâce en joye. Ceste couleur se mué par succession de temps: qui signifie amours estre variables. Verd vient par nature: mais les peintres & autres qui en vsent, la font par art &

non de guerres. Prasine est vne terre verde, & croist la meilleure qui soit en Libie la Cirene. Il est vn verd appellé verd de gris, & se faict quant on jette sus vne platte d'airain fort vinaigre, & le laisselon enrouïller & le rouïlle qui en vient c'est verd gris. Cestuy signifie mauuaises humeurs, & mauuaise complexion, & ressemble au souffre.

De la couleur du Pourpre.



Ouleur de Pourpre est ainsi appellee pour sa purté & pour sa lumiere: car elle croist naturellement és pais du monde, que le Soleil illumine plus proprement. Ceste couleur est aguissee par gouttes de sang, qui yssent de l'escaille d'une maniere de moëlls, qui sont en la mer. Pareillement pourpre se faict côme nous auons dit au premier traitté par art: par l'assemblément de toutes couleurs les vnes avec les autres. Ceste couleur pour blasonner se prent pour les fleurs, appellees menuës pensees. Aussi signifie iurisdiction & seigneurie sus plusieurs: parquoy les Roys anciennement la portoient, & les iuges quant ils estoient en siege. Aux sept sacremens est comparee à l'ordre de prestrie. Car les prestres du temps passé s'en vestoient: & encores font aucuns Euesques. Quant à l'art de taincture, l'escarlata est la plus noble couleur qui soit, & se faict en rouge, en pourpre & en violet. En pierreries se prent pour lamestice. Ceste couleur est entre le rouge & le noir, & trait plus au rouge qu'au noir. Et qui veult bié taindre en pour-

G iij

## LE BLASON

pre faut qu'il y ayt de l'inde, ou azur. De ceste cy ne blasonnerōs point en liuree: car on n'en porte guerres, sinon qu'elle signifie abondance des biens de fortune, grace de tout le monde & autres.

De la couleur noire, & de ses liurees.



A noire couleur est priuation de blācheur: ainsi cōme amertume est priuation de douceur. Et est engendree de lumiere petite & obscure, qui est incorporee en l'extremité grosse ou elle est. La noire couleur blesse la veuë, quant elle est trop forte. Et represente la terre & tenebres, cōme celle qui estoit auant que le monde fust créé. Ceste couleur en blason signifie constāce douleur doctrine & bonne fiāce. Aux sacremens signifie le sacrement d'extreme vnction. En pierreries ressemblē à Acaste: à Absite: au Celidoine, à Geraticem: à la crapaudine: au marbre & autres. Des metaux represente le fer: en liuree se porte souuēt avec le gris & se blasonne, & signifie esperance de mieux auoir selon aucuns. Aussi signifie asimplir pour estre hōnoree: & si le noir est avec le bleu, c'est deffiance simulee ou simpleesse par faintise: avec l'incarnal, cōstāce en bien viure: avec le violet, desloyauté & trahison: avec le tanné, la plus grand douleur du monde & tristesse sans joye. Ceste couleur pour le present est la plus requise en habits qui soit, pour la simplicité qui est en elle: mais tout le monde en abuse. On en faict les beaux draps de fine laine. En marchāt signifie loyauté: en iuge, droicteure, en fem

me simpleſſe, & aux pecheurs penitence . De ceſte couleur ſ'en faiſt beaucoup par art , combien qu'il y en ayt par nature, comme le marbre, la pierre noire. L'autre par art eſt comme ancre, paincture, taincture & autres.

Des couleurs bleue, perſe & azur, & de leurs liurees.



Après que nous auōs blaſonné les couleurs moyennes : Il conuient blaſonner les autres, & dirons du bleu. Bleu eſt couleur moyenne entre l'eaue & l'air. Mais il approche plus de l'air que de l'eaue pour ſa clarté. Ceſte couleumr reſſemble au ciel, à l'air & autres . En pierreries reſſemble le ſaphir & la jacinte . En fleurs les aubifoins, & pluſieurs belles fleurs. En metaux l'eſtain & le plomb. En vertus ſignifie bonté, courtoisie, amitié nourriture: auſſi ſignifie ſelon aucuns jalouſie. Quant elle eſt portee pour liuree avec le gris: c'eſt venir de pauureté en ri cheſſe , ou de ri cheſſe en pauureté : auſſi eſt-ce ſecheſſe de trop ſçauoir. Avec le violet, ſage en amours: avec l'incarnal, propre & habile en toutes choſes honneſtes : avec le tanné ou fauve couleur, patience en ſes aduerſitez . Ceſte couleur eſt fort belle & aduenante a porter à ieunes filles. Pers eſt autre couleur, qui approche fort du bleu : mais il eſt de plus claire matiere , & n'eſt pas ſi obſcur. Ceſte cy ne ſe blaſonne en autre maniere : pource qu'elle eſt trop pres du bleu. Sinon qu'elle ſignifie beau parler, doux penſer & l'engin ſubtil.

G iij

Azur est ainsi dit pour l'amour de l'air: azur & inde n'est qu'un. C'est une couleur naturelle dont on use. Et principalement les peintres. On en fait les vou-  
tes & embriseurs des logis, Palaix, Chasteaux & Salles. En Inde sont trouvez roseaux qui ont raci-  
nes fichees en fanges & en limon, & à l'escume qui se tient en ce limon, que nous appellons azur. Azur est de la couleur du ciel, qui est moult belle, & a un peu de couleur de pourpre meslee avec. Il est une autre maniere d'Inde ou azur, dont usent ceux qui taignent le pourpre. Lequel nage dessus l'escume, & les ouuriers le prennent & le seichens pour mettre en œuvre. Azur quant aux sept sacremens se prend pour le sacrement de confirmation. En vertus gentillesse, renommee & beauté. L'azur est la couleur qui est la plus seante avecques l'or, comme la plus belle, & de ces deux fait on les belles lettres.

De la couleur d'incarnal, & de ses liurees.



Incarnal est une couleur moult belle & gaye, elle approche fort du rouge: mais elle est un peu plus chargée & trait fort sur le blanc. L'incarnal en fleurs ressemble moult fort à la rose à la giroflee. Ceste couleur est composée d'un peu de blanc. Elle signifie santé, courte vie, hauteſſe. Et la personne de bonne complexion. Elle represente l'homme plaisant & asſeuré. Aussi elle est fort propre à jeunes fils, & damoiseaux. En liuree mise avec  
le

le gris elle signifie esperance d'auoir richesses: avec le violet, bonne grace enuers les grans: avec le tannée, bon heur & malheur. La couleur d'incarnal se faict plus par art que par nature.

De la couleur violette, & de ses liurees.

**L**A couleur violette est engendree en matiere ou l'eau & la terre ont la seigneurie est moyenne entre rouge & bleu, & aussi est engendree en choses qui ont grosses humeurs, si-comme appert es violettes qui sont de la couleur. Ceste couleur est signe de froidure & represente melencholie. Elle signifie amitié, loyauté, nul reproche, recongnoissance & douceur. Et selon aucuns trahison, mais c'est faulseté. En liuree mise avec le gris: trop forte loyauté, avec le tannée, c'est amour non permanente. De ceste cy on porte les beaux draps qui sont fort requis.

De la couleur grise, & de ses liurees.

**G**RIS est vne couleur moyenne, entre blanc & noir, mais il y en a de plusieurs fortes: les vns plus blanchastres & les autres plus obscurs. Les obscurs signifient esperance, patience, confort simplicité, & bonne coustume. Les blanchastres signifient secheresses, pauureté, inimitié & desespoir.

H

## L E B L A S O N

En pierreries ressemble le calcidoine, la galatide, l'aymant & autres. De ceste couleur faict on les beaux draps que lon porte. Et se faict plus par art que par nature. En liuree mise avec le fauve ou tanné, elle signifie esperance incertaine, & patience rechignée, & confort en douleur. Et celui qui la porte le signifie lent ou tardif.

Blason des couleurs sur les bestes & oyseaux, & d'aucunes mutations d'icelles.

**P**Our mieux blasonner les couleurs, regardons aux choses naturelles, & voyons les bestes & oyseaux tachez & maculez de diverses couleurs. C'est à sçavoir, le verd gay, le papegay, le verdier & autres oyseaux noblement couloureuz du verd, qui tant gentement leur sied, que sans icelle couleur ils perdoient vie & plaissance, avec le doux chant de leur sonnante gorge. Pour laquelle couleur & gayeté de leurs corps ils sont aimez & prizez de toutes gens. Et signifie ladite couleur, la resjouissance & plaisir qu'ils donnent a plusieurs gens, moyennant leur melodieux son: Aussi nous voyons par naturelle raison que d'aucuns oyseaux, & mesmement la cigoigne, quant ils sont petits, ils ont les pieds & le bec noir, & à mesure que leur aage croist la noire couleur se change en rouge, qui demonstre leur foiblesse & jeunesse amoindrir: & au contraire force & courage croistre & venir denoté par la couleur rouge. Le coulou est ainsi nommé



à cause de maintes couleurs, qu'il a autour du col, qui signifient plusieurs belles proprieté, qui sont en luy comme d'estre doux mansuet & misericors: & non orgueilleux comme le paon quât il voit ses belles plumes diuersément coulourees. Qui est-ce qui faict que la panthere & le tygre sont suiuis des autres bestes, sinon la diuersité & pluralité des couleurs desquelles ils sont noblement aornez & decorez. Qui faict faire la rouë au paon, sinon le plaisir qu'il prend à voir la beauté de ces couleurs. La teste vermeille du chardonneret demonstre la hastiueté de chäter: Son corps coulouré de jaune denote la iouissance de sa liberté, & la noblesse de son chât. Le cigne aussi est aimé & chery, à cause de son blanc plumage, qui demônstre la douceur & humanité de son gracieux chant. Et au contraire le corbeau chante rudement denote par sa noire couleur, lequel (selon les fictions poëtiques) au parauât estoit tout blanc, mais en signe de douleur ses blâches plumes luy furent en noire couleur changees pour son mauuais apport. Qui donne à entendre la joye des rapporteurs & flateurs changee en tristesse. Parquoy il appert que le noir signifie tristesse. Et pareillement la mort. Quant il est dit au quatriesme liure de la methamorphose, que le meurier, qui souloit porter blanches meures, en signe de la mort de Piramus, qui sous iceluy se tua, deuint noir & changea ses blâches meures en noires. Parquoy les couleurs sont de grande signifiante, comme dit Ouide au second de ses Methamorphoses, quant il

H ij

## LE BLASON

parle des quatre nobles cheuaux, attellez au char de Phebus, à sçauoir est, Eous le premier, Ethous le second. Pirous le tiers, Philogeus le quart. Entant qu'il dit Eous estre blanc, Ethous pale, Pyrous jaune & flamboyant, & Philogeus rouge. Cela sentéd que le Soleil change quatre fois le jour de couleur, quant il doit faire beau temps. Car comme il dit en ce passage chacun cheual a son heure pour mener le chariot: Desquels le blâc & le rouge sont le premier & le dernier: ainsi qu'on dit en commun proverbe. Rouge soir, & blanc matin c'est la joye du pelerin. Car s'il doit faire beau temps Eous premier cheual sera blanc. Et Philogeus dernier cheual sera vermeil & rouge. Et s'il doit faire mauuais temps ils prendrons la couleur l'un de l'autre. Car le premier sera rouge, & le dernier tout blanc, enuironné de nuees perles. Voila comment les couleurs annoncent les presages aduenir. On treuve aux Chroniques de Turpin, que les cheualiers de l'ost du Roy Charlemagne deuoient combattre contre les mescreans ficherent leurs lances debout en terre, & le lendemain les trouuerent toutes verdes & flories de verde couleur: de laquelle chose ils furent bien joyeux. Car cela denotoit (ainsi qu'ils disoiēt) qu'ils seroient vainqueurs sur les Payés & Sarrazins: entend qu'ils deuiroient souffrir, & estre au ciel couronnez de la verde couronne de Martyre. En espendât leur sang pour l'honneur diuin. Parquoy comme on peut congnoistre, les couleurs sont de grand effect, & nous signifient beaucoup de choses. La rou

ge poitrine de l'aronde signifie sa hastiueté de voler, & la chaleur de sa luxure. Ils sont aucuns oyseaux a noms incongneus, lesquels pour la grand' beauté de leur plumage sont nommez *oies paradisi*, qui est à dire oyseaux de paradis. Oriolus est vn oyseau qui a les plumes de couleur d'or. Cameldon est vn autre oyseau, auquel nulle couleur defaut. La noirceur & blancheur de la pie demonstre sa jâglerie & garulité. La barbe & cheueux noirs de l'homme changez en couleur blanche, quant il vient en vieillesse signifie perdre sa force, & entrer au rang d'enfance. Plusieurs autres choses se descriroient des couleurs, c'est à sçauoir, comment ils donnent plaisir aux bestes, côme on treuve en daucunes histoires, que quant on menoit les Elephâs en bataille on leur monstroient vne couleur rouge ou verde, pour les animer a plus franchement aller au conflict. Couleurs aussi donnent congnoissance pareillement & descôgnoissance, & en ce prenoient tref grant plaisir anciennement les cheualiers errans, qui par descôngnoissance se desguisoient en plusieurs façons & manieres, & par diuersité de couleurs selon les lieux ou ils alloient. Parquoy quant estoient congneus ils en estoient mieux aimez & prizez de toutes gens.

Des couleurs composees, & de leurs deuises.

Nous ne deuons pas mettre fin a ce liure : sans parler des couleurs composees, qui sont vnze en nombre, c'est à sçauoir.

H iij

## L E B L A S O N

La couleur de fleur de pescher.

Tanné blanchastre.

Tanné rougeastre.

Tanné violet.

Tanné obscur.

Gris violant.

Gris blanchastre.

Gris obscur.

Gris cendré.

Bleu violant.

Tanné gris.

Il y a plusieurs autres couleuts composees, lesquelles sont icy deuant blasonnees, parquoy nous n'en parlerons plus : mais nous dirons de ceux cy chacun vn petit mot.

Toutes ces couleurs cy deuant nommées, le plus souuent sont en draps. Premièrement il y a tanné blanchastre, qui est fort decoulouré, & diriez qu'il approche de jaune. Ceste couleur signifie contrition d'auoir mal faict, innocence simulee, iustice troublee, & joye fainte. L'autre est tanné rougeastre. & est de la commune couleur. Et pource que cy deuant i'ay parlé du fauue, pour aduertir les lecteurs de ce liure: Fauue & tanné n'est qu'un. Et pale & gris aussi n'est qu'un. Ce tanné rougeastre signifie courage ou proïesse fainte: soucy trop aspre, & douleur trop furieuse. Tanné violet est belle couleur, & se porte volontiers, & elle est fort plaisante: elle signifie amour troublee, loyauté menteuse & simple courtoisie. Tanné obscur est composé d'autre tanné & de noir: & signifie douleur, soucy & tristesse meslée de reconfort. Gris violant est bonne couleur: elle porte pour son blason amoureuse esperance: courtois labour, souffrir par amitié & simple loyauté. Gris blanchastre est moult descou-

louré, & y a d'aucuns draps de ceste couleur qui sont picotez ou piollez de rouge & autres couleurs, qui se monstrent tresbeaux. Apres ceste couleur en y a vne autre moins que peu blancheastre. Et n'y a point de ces petites taches rouges : mais de toute ces deux je n'en fais qu'une. Et à la blasonner elle signifie esperance d'auoir liesse & joye: patience en ces aduerlitez travail sans douleur & petite congnoissance. Gris cédre est dit ainsi, pource qu'il est de la couleur des cendres. Et en y a d'aucuns de ces gris cendrez ou il y a moins que peu de violet en obscurissant. Ceste couleur signifie travail, soucy & le penser à la mort. Gris obscur trait sur le noir & son blason est tel: espoir en soucy: crainte en esperance, & liesse tournee en douleur. Il y a vne autre couleur appelée bleu violant, & est composée de bleu & de violet: & porte pour sa deuise loyauté en amours, science bien moriginee & douce courtoisie. Vn autre couleur y a, qu'aucuns appellent tanné gris, pource qu'elle tient des deux couleurs, elle signifie trop petite esperance, & reconfort d'ennuy. Apres toutes ceux cy il y a vne autre belle couleur qui vulgairement se nomme fleur de pescher. Et est comme vous diriez incarnal descoulouré: vn peu en brunissant. Ceste couleur se blasonne ainsi. Richesse amoindrie, courage perdu, & petite noblesse: Il y a plusieurs autres couleurs composées: mais nous en auons parlé cy deuant.

H iiii

LE BLASON  
Habit moral de l'homme selon les  
couleurs.



Ar maniere de passetéps, & à l'augmentation de ce liure, nous parlerôs de l'habit de l'homme, selon les couleurs. Et premierement, l'homme doit deuât toutes chosee auoir la belle chemise blanche, laquelle enuironne tout le corps, pour demonstrier que l'homme doit estre chaste & net, & de pure conscience, comme la couleur blanche est nette & sans macule. La toque où bonet doit estre d'escarlâte rouge, qui signifie prudence: car ainsi que le rouge est la plus moderee couleur qui soit: ainsi prudence est la vertu qui plus attempe & modere la vie de l'homme sur toutes autres vertus. Le chapeau doit estre de couleur perse, qui demonstre science, en signe que science viêt de Dieu, qui est au ciel: lequel ciel est de couleur perse, & par ainsi science fera pres de prudence. Le pourpoint sera noir, qui signifie magnanimité de courage, qui doit enclorre le cœur & le corps de l'homme. Les chausses seront grises, qui signifie esperâce de paruenir a perfection. Les esguillertes seront de pareilles couleurs, qui demonstre labeur, car en esperâce d'aucun bien, faut que tousiours labeur soit deuant. Les jartiers seront de liuree, c'est à sçauoir, de blanc & noir, qui signifie assureé vouloir, qui lie la chausse d'esperance. Les souliers communémēt sont noirs, qui denote simplicité d'aleure.

re. Les gands doiuent estre jaunes, qui denote liberalité: & iouissance. La ceinture doit estre violette, qui signifie amour & courtoisie, qui doit ceindre le corps de l'homme. Le saye sera de tanné obscur, qui signifie douleur & tristesse, desquelles nous sommes tousiours vestus. La robe soit d'incarnal, qui monstre la forme & maniere de bien viure. Pour le dernier la bourse soit verte, car ainsi que le verd attrait à soy la veüe de la personne, aussi la bouce doit attirer a elle l'or & l'argent, pour subuenir a plusieurs affaires.

De l'habit moral d'une dame selon les couleurs.



Pres auoir parlé de l'habit de l'homme, nous dirons de l'habit d'une dame selõ la nature des couleurs. Tout premierement dame ou damoiselle doit auoir les pentoufles ou souliers de couleur noire, qui denote simplicité. Car la plus simple couleur de toutes les autres, c'est la noire.

Qui demonstre aux dames qu'ils doiuent marcher en toute simplicité: & non en orgueil. En apres la dame de quelque estat qu'elle soit, doit porter les chausses de couleur violette: qui signifie perseuerance. A cause que le violet est moyen entre noir & rouge, & tiét plus du rouge que du noir: tousiours en montant. Aussi perseuerance doit monter tousiours de bien en mieux. De laquelle vertu la dame doit estre aornée & remplie en perseuerant & che-minant en toutes bonnes œuures. Apres faut auoir

## LE BLASON

les jartiers de liuree, qui seront de blâc & noir, denotât ferme propos de perseuerer en vertu. Et ainsi que blanc & noir jamais ne changent de couleur naturellemēt. Aussi le propos doit estre ferme sans changer, lequel doit lier la chausse de perseuerance. La chemise doit estre d'un lin blanc comme neige: qui signifie l'honnesteté qui doit estre en vne dame, & non maculee d'aucuns vices & pechez. Apres ces choses, la cotte doit estre d'un damas blâc: qui nous demonstre que la dame doit estre chaste & pure de corps non maculee de peché de luxure: non plus que le blanc souffre tache sur soy.

Item doit estre la piece de deuant soy de couleur rouge: ou de cramoisy, qui sera appelee: la piece de bonne pensee ardante & eschauffee enuers Dieu, laquelle doit auoir tousiours en son cœur. Et pour mieux estre parfaite, elle aura le cordon ou lacet de couleur bleüe: qui demonstre que loyauté denotee par le bleu, doit lascer & enclorre tout le corps d'une dame. Du demy ceint, le tissu sera noir, signifiant magnanimité de courage, que doit auoir la dame en toutes choses. La bourse doit estre de drap d'or, enuironnee de pierres precieuses: qui signifient liberalité. La robbe, pour vne grand dame doit estre de drap d'or: qui represente beau maintien. Car tout ainsi que l'or attrait la veüe des gens à soy, pareillement le beau maintien d'une dame est cause qu'elle est prisee & regardee. Les gands seront rouges: qui signifie charité, laquelle se depart par les mains d'une bone dame. L'atour au chapperon



fera de couleur noire, qui se dit le penser à la mort. La ceinture est de couleur jaune: qui signifie iouissance de bonne amour, entre la dame & son seigneur. Les paillettes seront d'or, qui se mettent autour l'atour: & se dient richesse de cœur. Les templettes pour le dernier, qui se mettent autour la teste doiuent estre d'incarnal: qui signifie prudence, que toute dame doit auoir en son entédement aux dames: mais ils ne viennent point aux propos des couleurs.

Comment on faict vn nouveau cheualier  
selon les couleurs.



**L**Tein comme on sçayt & comme on liët en plusieurs liures, quant on fait vn nouveau cheualier, & luy donne on l'ordre: entre les ceremonies qui y sont faictes. Apres le baing & le coucher, on le vest de blancs draps, linges. Lesquels donnent a entendre la grand' netteté & pureté de corps, que doit auoir le cheualier. Apres il est vestu d'vne robbe vermeille, qui signifie le sang que doit auoir esandre le cheualier pour Dieu seruir: & exaucer sa sainte loy, & deffendre l'Eglise. Apres on luy chauffe des chausses brunes de soye: cela signifie que nous sommes composez de terre, & en terre nous deuons retourner: Et souuent penser à la mort. Apres on le dresse tout droit, & est ceint d'vne ceinture blanche. Ceste ceinture blanche donne a entédre au cheualier la chasteté du corps & de

## LE BLASON

nôbril qu'il doit auoir. Aussi luy met on en la teste vne blâche hune: qui signifie que le cheualier Chrestien doit auoir employé ses principales pensées & imaginations à Dieu seruir. Afin de luy rendre l'ame nette & pure de tout peché.

### Blason moral sur les couleurs.



N dit vn mot qui est bien dit, qu'une chose est bien inutile quant a nul ne peut porter proufit & enseignement, parquoy j'ay voulu blasonner moralement, ainsi qu'il s'en suit. Et premierement la couleur blanche nous demonstre que nous deuons penser, & de cœur premediter, comment nostre Dieu a faict toutes choses pour nous, & signamment les estoilles, nuees, eaues, pluyes, gresles, clarté & lumiere: avec la vertu d'humilité, pour resister aux tétatiōs. Les couleurs pale & faue nous demonstrent comment nous deuons plover & faire penitence, pour auoir pardon de tous pechez, & que nous ne nous deuōs resioiir es choses mondaines. La rouge couleur nous signifie & apprend, que nous deuons cōtempler la dure mort & cruelle passion du doux Iesus, & d'iceluy auoir pitié, brullât en la vertu de charité. La couleur jaune nous donne à congnoistre que nous deuons remercier nostre Seigneur de bon cœur, quant pour nous colloquer & loger, il a cōstruit vn si beau lieu comme est paradis celeste. La verde couleur nous

apprent cōment nous deuons honnorer & remercier nostre Seigneur du bien qu'il nous faict: quant pour nous nourrir & substantier il faict croistre arbres, prez, herbes, fueilles, fleurs, & fruiçts. La couleur de pourpre nous demonstre que nous deuons porter honneur à noz peres spirituels, Roys, Gouverneurs, & a gēs de justice. La noire couleur nous enseigne comment nous deuons penser que nous sommes venus de terre en nous humiliāt: que nous sommes faicts de terre, & que nous retournerons en terre. Les couleurs du bleu & pers nous demonstrent comment nostre Seigneur a faict & creē le ciel & l'air, & les choses terrestres, qui sont cause de nous donner vie. La couleur d'incarnal nous tesmoigne comment nous deuons auoir vigueur & force, pour resister aux tentations. La couleur violette nous demonstre comment nous deuons aimer & ensuiure nostre seigneur en toutes bonnes œuures. La couleur grise nous demōstre comment nous deuons chastier nostre corps, & auoir esperance d'aller en paradis.

Comment se doiuent porter les couleurs selon les qualitez des personnes.

**A** Pres auoir blasonnē les couleurs en especial, nous viendrons a dire comment ils se doiuent porter, selon la cōdition des personnes & auāt toutes autres couleurs, nous parlerōs du blanc. Blanc se doit porter par enfans jusques en l'aage de six ou sept ans, en demonstrent leur inno-

I iij

## LE BLASON

cence. Et aussi les fols incisez doiuent estre vestus de blanc, comme il appert d'Herodes, qui reputa nostre Seigneur Iesus comme fol, & le fist vestir de blanc. Pareillement les prestres portent le blanc, quant ils veulent administrer, ou faire le seruice diuin: demonstrent leur pureté & netteté de conscience. Aussi se porte il par jeunes filles en cordons & rubans, mancherons, & couure-chefs, ainsi qu'on porte en plusieurs païs, & les jeunes filles de village, & bergers le portent en beaux roquets surcots, & plissons. Plusieurs nōnes & moynes en sont vestus. Les cheualiers le portent, & en sont armez, & principalement la premiere annee qu'ils ont receu l'ordre, comme faisoient anciennement les cheualiers de la table ronde: dont les vns alloient soubs ceste couleur, pour descongnoissance querir leurs aduantures par le monde.

Comment se doit porter le jaune.



A couleut jaune se porte volontiers par les gens d'armes, pages, laquets, & autres gens suiuan la guerre, & la court, comme en metaux, pourpoints & chausses. Et le plus souuēt le porte avec autre couleur. Les Roys, Princes, cheualiers le portent en leurs heaumes, harnois, & esperons dorez, qui est couleur jaune. Aussi les femmes portent plusieurs anneaux d'or, qui represente le jaune. Elle appartient à gens jouissans: & communément les liures en sont brunis & accoustrez. Et deuez entendre que l'arc du ciel, qu'on appelle Iris, est de l'une de ses couleurs.

Par qui se doit porter la couleur  
rouge.

**R**ouge se porte par plusieurs gentils hommes & autres gens; comme en bônets, chausses, pourpoints & manteaux. Les femmes le portent en cottes ceintures & mancherons. Gens de justice le portent en belles robes d'escarlate: comme Presidens & Conseillers. Elle se doit porter par gens preux & hardis. En plusieurs Eglises de chanoines reiglez. Les enfans de Cœur en sont vestus. Et aussi sont les Cardinaux. Et sçachez que l'arc du ciel est de l'une de ces couleurs.

Par qui se doit porter le verd.

**V**erd est porté par jeunes gés joyeux & deliberez, & communément se porte en ceintures, jartiers, & autres choses, & quant se vient au mois de May, vous ne verrez autre couleur porter que verd. Et le plus volontiers se porte par jeunes adolescens, jeunes filles fiancées: & nouvelles mariees. Anciennement les cheualiers alloient querant leurs aduantes sous ceste couleur. Et est une des couleurs de l'arc du ciel.

Par qui se doit porter le bleu pers,  
ou azur.

## LE BLASON



E bleu ou pers se porte par les filles, en ceintures & cordons, & volontiers par gens de village, comme en chappeaux, robes, pourpoints, & chausses. Ceste couleur est communément portée par les Anglois, comme leur propre liurec. Et deuez sçauoir que c'est vne des couleurs de l'arc du ciel. Azur est ainsi dit en armes, & est porté par les cheualiers en leurs escus. Et tend on de pers en la maison d'un trespasé.

Par qui se doit porter le Pourpre & le noir,  
& autres couleurs.



E Pourpre se doit porter par les Roys & Euesques, & non autres. Le noir se porte par gens de tous estats, comme Moynes, Nonnes, marchans, femmes, gens de justice, & prestres. Et aussi quant on veult porter le dueil on prend le noir, comme la plus simple couleur. Violet se porte par les marchans, femmes, gens viuās de leurs rentes: & le plus volontiers en chausses. Le gris est bon pour marchand qui va aux champs, mariers, laboureurs, & c'est la couleur aux cordeliers. L'incarnal se porte par gens amoureux & gaillards: & principalement par courtiliens, gens qui vsent de la plume.

De

De la beauté des couleurs les vnes avec les autres, & de leur blason.



Rrestons nous vn peu sur la beauté des couleurs. La couleur iaune est belle : mais elle est fort enrichie quand elle est avec le bleu, & que c'est iaune, pale : & c'est la liuree de la bazoche du Parlement à Paris. Iaune orengé est beau avec le blanc ou avec l'incarnal. Aussi l'incarnal est beau avec le blanc. Et les trois ensemble est tresbelle liuree. Et signifie richesse bien acquise en loyauté. Le bleu avec le verd : & le verd avec le rouge sont fort cōmunes liurees : Mais gueres ne sont belles. Et les trois ensemble signifient ioye moderee avec courroux.

Viollet avec incarnal est belle liuree & avec le blanc fort belle. Et les trois ensemble c'est tresbelle liuree & signifie loyauté enuers la femme : le Seigneur en son prochain. Noir & blanc : c'est belle liuree. Aussi est noir & gris : & blanc aussi est assez belle liuree : mais les trois ensemble est tresbelle : & signifie esperāce bien attrēpee. Gris tanné, tanné & violet sont belles liurees, & les trois ensemble aussi Et signifie desloyauté ou autrement esperer en dolentes amours. La liuree est fort belle : mais la deuise treslaide. Iaune & viollet : violet & blanc : blanc & bleu sont belles liurees. Et les quatre ensemble fort belles. La deuise est telle : loyauté amoureuse, iouyissante de ses amours. Bleu & viollet : gris & bleu, gris

K

## LE BLASON

& violet sont belles liurees : & les trois ensemble fort belles. La deuise est telle: loyauté en esperance. gris & incarnal, incarnal & bleu sont belles liurees, aussi est belle liuree des trois ensemble. La deuise est telle: ioyeuseté en esperant amours. Iaune d'or & bleu: iaune & gris: iaune & noir sont belles liurees & le tout ensemble aussi. Et signifie esperance de iouyr d'amours en tristesse. Pers verd & gris, est belle liuree & porte sa deuise: affoller & secher d'amours. Il y a plusieurs autres maniere d'assébler les couleurs en liurees: mais ceux cy que i'ay dictes, sont les plus belles & pour sçauoir blasonner liurees de trois ou quatre couleurs seulement: car de deux couleurs vous en trouuerez la deuise si deuant aux chapitres des noms des couleurs chacune mise en son ordre: & qui voudra assembler trois ou quatre couleurs ensemble non mises en cestuy chapitre regarde à la vertu & propriété d'icelles: selon ce qui en est escrit par cy deuant, & il pourra facilement blasonner sa liuree comme si verd, iaune & violet signifient iouyr d'amour à tout iamais.

### Petit blason des couleurs selon les lieux ou elles sont assises.



Par maniere de passer temps nous blasonnerons les couleurs selon les lieux ou elles sont assises & dirons du verd. Le verd sur la personne signifie gayeté & plaïssance, en estandars & guidons signifie ioyeuseté & deliberation



de combattre : sur les enfans ieunesse, sur la femme amours, & en l'art de paincture resiouyft les autres couleurs.

Le iaune sur l'homme est iouyssance & richesse: sur la femme ialousie, sur les enfans petites folies en guidons banieres: appetit de gagner aux maisons richesse. Le rouge sur l'homme: courage sur la femme mauuaise teste: sur les enfans appetits de iouer, en guydons, hardiesse: & promesse: au ciel ire de Dieu.

Le blanc sur l'homme, honnesté: sur la femme chasteté sur les enfans virginité: en banieres batailler raisonnablement.


Le bleu sur l'homme, science: sur la femme courtoisie: aux enfans engin subtil: en guydons discretion de bataille: & aux planchers des salles, Pallais, & autres edifices demonstre la figure du ciel.

Le violet sur l'homme & de la femme est loyauté: aux enfans, douceur: & en guydons ne trahir point son maistre.

Le gris aux hommes soucy: aux gens de village labeur: sur les femmes esperance: sur les enfans impuissance: aux guydons & estendarts, mettre peine d'acquérir honneur.

Le noir par tout signifie simplicité & aspreté de vie.

LE BLASON  
Blason sur les douze mois de l'an.  
Januier.                      Feurier.



Mars.




Auril.




May.




Iuing.




Iuillet.



Aoust.



Septembre.





Octobre.



Nouembre.

Decembre.



D'aucunes merueilles du monde, singularitez,  
& proprietiez touchant les couleurs.



Our mettre fin à nostre liure nous  
escrirons aucunes merueilles du  
monde touchant les couleurs : &  
plusieurs singularitez triumphes  
& proprietiez d'icelles.

Et premierement, en hibernie croist vne riche  
pierre noire qu'on appelle gest dequoy l'on fait les  
riches escharpes & patenostres.

Item en vne cité en Italie nommee Teridon-  
ne, y a vne grand merueille que si aucun bour-  
geois ou laboureur doit mourir celle annee quand  
il faict labourer sa terre: en la raye du gueret apper-  
ra clairemnt grand effusion de sang. Et signifie ce  
sang la mort prochaine du possesseur de l'heritage,  
ou cela est aduenue.

Item au pays de Prouence en certains riuages  
qui sont sur la mer croissent certains petits arbres  
qu'ils appellét qualz. Et enuiron la racine de ces ar-  
bres: quand vient au moys de May, il se cōcree & en-  
gēdre de moult petites bossettes plaines d'humeur  
rouge comme sang & les gens du pays les seichent

K iij

## LE BLASON

au Soleil, qui semble de morceaux de cuyr rouge. Et en la fin de l'esté en ces morceaux engédret petits vers qui ont dedans leurs corps vne humeur aussi rouge que sang: de laquelle est fait le vermillon, dont sont taincts draps de soye. Et les lettres des liures faictes.

Item en Sirie, aucunes gens appelez Aggagures ont de coustume d'eux farder, & taindre de diuerses couleurs le visage & leurs mains & les cheueux: & celuy qui est le plus noble cest celuy qui est le plus decoré de couleurs.

Item en Sirie à vn champ, dont la terre est rouge. Laquelle est moult bonne & douce à manger: & autant qu'il en est osté on y en retrouve, d'autre.

Item en Ethioppe à vne lignee de gens dont la sueur tainct les choses ou elle attouche si fort que la tache n'en peut estre ostee.

Item en Sebastris y a vne fontaine qui trois fois l'an se change, à l'vne fois rouge: à l'autre fois verte. Et les gens de ses pays à la difference des autres qui tiennent autres loix que les leurs, enuelopent leurs teste de rouge. Et les Sarrazins les enueloppent de blanc. Et les Chrestiens de drap bleu. Et les Iuifs de iaune à la difference les vns des autres.

Item en Inde y a vne maniere de gens qui par tout le corps sont verdz & iaunes.

Item en Caldec, les hommes portent de beaux cœuurechefs dorez, au contraire des femmes.

Item à Rome y a vne statue qui represente

Fortune qui à visage my-party de blanc & noir: qui demonstre heur & malheur estre en icelle.

Item à ce propos combien que ce ne soit de couleurs dont ie vueil parler. On dit qu'il y auoit en l'Isle de Sardine, vne statue en façon de corps humain qui auoit le chef d'or, en signifiante de la richesse qui estoit en icelle Isle. Et auoit les espaulles & les bras d'argent, qui signifie la science qu'ot ceux du pays. Et si auoit le corps d'arain, en signifiant de la prouesse des gens dudit pays. Et les iambes & piedz de fer, en demonstrance de la force: puissance, & resistance de ceux dudit pays: dont de toutes choses ils acquirent le bruit sur tous autres. Il y a plusieurs autres merueilles desdites couleurs que ie laisse à cause de briefueté: car ie feroye ennuy aux lecteurs. Les couleurs sont de grād effect & estimation mesmement en paincture qui est vn art moult excellent & de grand pris.

Nous lisons en Pline & en plusieurs autres lieux que Parafius & Zeufis differoient ensemble touchant l'art de paincture: l'un paingnit aucunes grappes de raisins si bien tirez despaintes, que quād elles furent mises à la place du Theatre, les oyseaux du ciel cuydant qu'elles fussent vrayes & naturelles, y auolarent pour les menger. Et l'autre fit & paingnit d'un linge blanc par si grand representation de verité que Zeufis requist instamment à Parafius qu'il ostast le linge vistemment de dessus son tombeau, afin qu'il veist la paincture qui dessous estoit. Et toutes-fois il n'y auoit

K iij

## LE BLASON

autre paincture que de linge dont il fust bien deceu & congneut que Parisius auoit mieux painct son linge que luy les oyseaux. Zeufis paingnit puis apres vn enfant portant des raisins ausquels aduolez les oyseaux: dist qu'il auoit mieux painct les raisins que l'enfant: car si ie l'eusse dist il paracheue de paindre les oyseaux en deussent en auoir paour. Par la subtilité des couleurs bien & en bon ordre coucher le theatre de Claude le Belet grand admiration quand il fit ses jeux car les corbeaux deceu & la semblace & similitude des tuilles aduoler au lieu ou cela estoit représenté. Autres merueilleuses painctures ont esté faictes par si grand art & industrie que les cheuaux se sont esmeuz & ont hany aux resemblances des iumés faictes par paincture: parquoy les coulleurs sont de grād effect & vtilité mesmemēt quād elles sont diuersifiées & biē couchees en tableaux linges & courtines. Et pour le premier dictes moy fil est chose plus plaisante à l'œil corporel que ces beaux tableaux magnifiques qu'on met és Eglises: qui auroit veu les œuures de maistre Iean Fouquet, de maistre Iean de Paris, & autres painctres, mesmement du temps passé on diroit que les louanges des coulleurs sont de grād vertus. Car en aucūs tableaux sont painctz & descrits. Les faicts gestes & vertus par lesquelles ceux qui les regardent & contemplent sont encouragez & animez aestre bons parfaicts & vertueux. Nous en auons exemple du tableau du grand Cebes, Thebanien contenāt par diuersité de couleur.

L'estat

L'estat de vie humaine, chacun qui le voyoit y prenoit bonne exemple, ledit tableau estoit merueilleusement beau, & auoit esté paint par ledit Cebes, au temple de Saturne. Regardons pareillement les diuersitez des couleurs, és tapisseries de fil d'or, & d'argent foyes, veloux, & autres telles choses trafées, & nous serons esmeus à joye & soulas: qui auroit les tapis & courtines diuersement par la Deesse Palas, tissues & accoustrees, lon diroit que ce seront merueilles, car ladite Palas: autremét dite Minerve, brodoit au vif les gestes des Dieux & Deesses. Les transmutations de Iupiter en diuerses formes & thaureaux, cignes, & autres bestes, par si grand art, que les personnages sembloient estre vians. Deuons nous oublier les tentes, voilles, & courtines du Tabernacle de Moïse: & du temple de Salomon, qui estoient de couleur de jacinte, de pourpre, de vermeillon & bisse retorte: C'estoit le plus grand triomphe qu'on scauroit voir à jamais, pour la beauté qui là se manifestoit, dont je me tais pour le present, disant en briefue conclusion, que la diuersité des couleurs, est de grand effect, valeur & liesse, sans lesquelles les Roys de l'ancien temps eussent faict leurs spectacles, & ceux de maintenāt leurs grans triomphe. Pás ne sera deshōneur à nostre description, le somptueux & grād appareil des tentes & paillons du Roy Assuerus, pendans de tous costez à l'entree de son jardin, quant il fist son festin à tous ses Princes & Seigneurs: lesdites tentes estoient de couleur de l'air, de couleur carbasi-

L

## L E B L A S O N

ne, & jacintine, surhaucées de cordes de bisse, de pourpre à coulonnes de marbre, attachées & pendues. Pas ne sera mis en oubly comment les Romains à leurs enseignés Royales, faisoient porter deuant eux par gens deputez, les robes peintes de toutes couleurs, nommées toges. Et aussi en leurs triumphes se faisoient porter en cutres d'or, menés à quatre cheuaux blâcs, & d'aurre couleur, desquels selon Liuius, de la fondation de la cité, liure cinquiesme: Plutarque semblablement. Camillus vfa le premier en chariot doré, & couronne parée de fin or Royal & precieux. Pour conclurre n'oublions pas les vestemens, qui distinctement estoient fermés à gros cloux d'or les habitans des Isles Balears: cela inuenterent, desquels vfa Caius Cezar. Les Phrignes Idees penserent à prendre l'usage faict & formé à l'esguille: c'est à sçauoir contrepoincé de diuerses couleurs. Aussi les anciens prestres Hebreux estoient vestus d'un accoustrement nommé Ephod: qui estoit en la sorte qui s'ensuit. Il estoit de la grandeur & quantité d'une coudee de diuerses couleurs, despaint & doré par variable mode. Puis celuy Ephod estoit joint & vny avecques le rational, qui estoit un autre pareillemēt sacerdotal d'anneaux d'or, qui estoient liés de liens de couleurs de jacinte. En cedit habit y auoit autres plusieurs choses, qui ne conuiennent point à nostre blason des couleurs.



## QUESTION.

**Q**uelle couleur est-ce qui est la plus belle & vive. Responce. C'est le rouge. Question. Quelle couleur est-ce qui est la plus laide. Responce. C'est le tanné. Question. Quelle couleur est-ce qui est la plus tost effacée.

Responce. C'est l'incarnal: & au contraire le rouge se defait le moins.

Dieu mercy nous auôs descrit la maniere de blasonner les couleurs en armoirie, qui fait le premier traitté de ce liure, composé par Sicille, Heraut du Roy Alphonce d'Arragon. Et aussi la maniere de blasonner toutes couleurs sans armoirie, pour apprendre à faire liurees, deuises, & leur blason, qui fait le second traitté de ce liure: tant pour Roys, Princes, Seigneurs, cheualiers, Roys & Heraux d'armes, que pour gens de tous estats & offices.

Considerons le blason des couleurs,  
 Auquel y a belle signifiance  
 Rememorons toutes joyes douleurs:  
 Reuerons Dieu, en qui i'ay ma fiance,  
 Oublions donc, fallace, outrecuidance:  
 Ses couleurs faut prendre qui sont plus belles  
 Et les plus laides remettre en oubliance  
 Tendans aller aux maisons eternelles.

F I N.

L ij.

LA TABLE.



Rologue de l'acteur.	Folio j.
De la premiere inuétion des armes quant aux couleurs.	fol.ij.
Questions des couleurs.	fol.iiij.
Du premier metal & couleur d'or, & de son blason, où est monstreé pourquoy les Roys de France en leurs armes, portent plustost les lys d'or que d'autre metal.	fol.eodem.
Du second metal & couleur d'argent, & de son blason.	fol.vj.
De la tierce couleur, qui est vermeil, & de son bla- son.	fol.vij.
De la quarte couleur, qui est azur, & de son blason, ou est demonstreé pourquoy les Roys de France portent plustost leurs armes en cháp d'azur, que d'autre couleur.	fol.ix.
La v.couleur noire, & de son blason.	fol.xj.
La vj.couleur, qui est verd, & de son blason.	fol.xij.
De la septiesme couleur, qui est pourpre, & de son blason.	fol.eodem.
Questions d'armes & des responce.	fol.xiiij.
La nouuelle maniere de blasonner les couleurs en armoirie & metaux.	fol.xiiij.
La maniere de blasonner en armoirie.	fol.xv.
Figure desdites couleurs, selon les vertus mondai- nes.	fol.eodem.
Autre figure desdites couleurs.	fol.xvj.
Figure sur les pierreries.	fol.eodem.
Blason sur les sept aages de l'homme.	fol.eodem.
Blason sur les 4.complexions de l'homme.	fol.eod.

# LA TABLE.

Blason sur les quatre elemens.	fol.eodem.
L'acteur sur le blason des couleurs.	fol.eodem.
Comment les Grecs blasonnerent leurs couleurs, selon les metaux & en leur langage.	fol.xvij.
Blason par les sept principales planettes, figurees selon leurs natures.	fol.xx.
Blason par les sept principales vertus, trois Theo- logiennes, & quatre Cardinales.	fol.xix.
Blason par les jours de la sepmaine.	fol.eodem.
Blason sur les quatre saisons de l'an.	fol.xx.
Comment ceux de Troye nommerent leurs cou- leurs.	fol.xxj.

S'ensuit la table du second traitté.

<b>Q</b> Vest-ce que couleur.	fol.eod.
Des inuenteurs des couleurs,	fol.eod.
De la vertu des couleurs.	fol.xxii.
Du fondement de couleur, & de ses especes.	f.xxiii.
De la couleur blanche, & de ses liurees.	fol.xxiiii.
De fauve & pale couleur.	fol.eod.
De la couleur rouge, & de ses liurees.	fol.xxv.
De la couleur iaune, & de ses liurees.	fol.xxvi.
De la couleur verde, & de ses liurees.	fol.eod.
De la couleur de pourpre.	fol.xxvii.
De la couleur noire, & de ses liurees.	fol.eod.
Des couleurs bleüe, perse & azur, & de leurs li- urees.	fol.xxviii.
De la couleur d'incarnal, & de ses liurees.	fol.eod.
De la couleur violette, & de ses liurees.	fol.xxix.
De la couleur grise, & de ses liurees.	fol.eodem.
Blason des couleurs sur les bestes & oiseaux, & d'au	

# LA TABLE.

cunes mutations d'icelles.	fol.eod.
Des couleurs composees,& de leurs deuises.f.xxxi.	
Du nouuel accoustrement de l'hōme,selon les couleurs.	fol.xxxii.
De l'habit moral d'une dame,selon les couleurs.	fol. xxxiii.
Comment on faict vn nouveau cheualier,selon les couleurs.	fol.xxxiiii.
Blason moral sur les couleurs.	fol.eod.
Comment se doiuent porter les couleurs, selon la qualite des personnes.	fol.xxxv.
Par qui se doit porter le iaune.	fol.eod.
Par qui se doit porter le rouge.	fol.xxxvi.
Par qui se doit porter le verd.	fol.eod.
Par qui se doit porter le bleu pers & azur.	fol.eod.
Par qui se doit porter le pourpre, le noir, & autres couleurs.	fol.eod.
De la beaute des couleurs, les vnes avec les autres, & de leur blason.	fol.xxxvii.
Petit blason des couleurs, selon les lieux ou elles sont assises.	fol.eod.
Blason par les douze mois de l'an.	fol.xxxviii.
D'aucunes merueilles du monde,singularitez, triōphes & proprietiez,touchāt les couleurs.f.xxxix.	
Questions des couleurs.	fol.xlii.

Cy finist le liure, intitule le Blason des Couleurs,  
nouuellement Imprime à Paris, par P. Menier:  
pour Anthoine Hoüic, demeurant rue saint  
Iacques, à l'enseigne de l'Elephant.



38 863828

2 1268.0















